

罪

惟

錄

一

罪

惟

錄

附

東

山

國

語

四部叢刊三編史部

日知錄卷之三

所

上海涵芬樓影
印吳興劉氏嘉
業堂藏手稿本

罪

所

錄

言

編印例言

一原書本紀二十二卷志三十二卷列傳三十五卷其中啓運經濟諸臣傳各分上中下抗運清介諸臣傳各分上下實有九十七卷今依張闓聲何柏丞二氏重訂卷次併計子目共成一百有二卷

二原書前無目錄不編葉號每卷除首葉外亦不記卷數今悉依張何二氏校訂一一增補

三原書水溢火焦泥塗鼠嚙零落破損整飭補修之狀具詳東山自叙閱今三百年禁本沈霾不見天日脫落漿補視昔加甚闕文殘字補正良艱凡經張氏校補者均作細書側注以示區別偶有疑義已據明史及其他有關係之書謹爲訂正四原書字有殘闕未經張氏校補而形迹可辨者均爲補完其

五行 性 金 雜 卷 一
成行累字之闕文蠹損誤黏之錯失亦據前條所舉各書略
爲訂補

五原書記載建鹵邊防及東師入關多經塗抹建州北師東師
滿兵字樣多改大清安宗本紀魯王唐主桂主韓主四附紀
及弘光永曆年號之上各加僞字印本悉復原文其有塗抹
過重點畫難辨無法復原者仍留原狀以俟讀者考辨

六原書間有眉批密行細字似出東山手筆今仍存留其爲後
人點竄無關宏旨者一律削除以清眉目

七原書通體圈點句讀間有舛譌校印之時詳加釐辨遇有句
讀難通成爲糾正間有失檢讀者鑒之

八原書前葉文義未完後葉又別接他文者自係脫佚無疑茲
皆補入白葉以免徒費考索

九原書名號爵里時地數量等字間多留出空格其他闕文偶
亦有之今亦一仍原狀以存其眞

東山自叙

字邗人別號東山幼失祖藉係

壬九年魯襄公會吳於黃之地

泊禽苗裔初惠王時積功討

於法考曰東安公即今山東



口是也歷漢書帝元景中西

勿伯何歷隋三部尚書唐高祖武

中書侍郎儀唐信守廣明中遊

丁將軍進上柱國賜紫飛魚袋居歙州師

省乃軋符中寧州刺史死事謚忠烈城又

歷南唐元宗保大中建州節度使工部尚
書文徽後出塔南唐宣歙觀察使文徵歷
宋初進士直史館龍圖閣加刑部郎中
事進士司郎中道遠明洪武中仲元新
乙元中國用原善皆明國經濟名臣西海昌怒

二十一年舉之材入都潛留理愈帝疽授太
醫院使則尹十一世祖也自是詩禮顯猷為
中原望族尹生東山之巖距始封七十七
世云具載列史及家乘外記石齋尹幼專
治能徑長獨契尼山竊取指家左云者以

出姓自晦寔惟四傳中左氏遺系按
前左氏與宣聖同時顧襲其名曰立
親望見其得而踰之日月而二其名曰
明既以其言附春秋為千古後左氏與立
明不同譜而因名得氏曰左與曲阜同

里而按籍而求曰東山左非東山之
非非人非其人也適之故以其言附

春秋與傳為千古所奇左氏距今二千

餘年輒預以其姓藏甲之初名預以

其名著尹之今世所以誠然不可強

也此書之作始於甲申成於壬子中
二十九年寒暑晦明風雨霜雪舟車
寢食疾痛患難水溢火焦泥塗鼎
鳴空為破損甚虧補修手草易數
十次自採經數千人口蒙而卒聞聲之

等何付掌示而王臣舌者弟中何端以
較定哀之微詞倍極辛苦蓋以他
註誤而連獄方積藏而無山今之無
罪者亦率不於文理而妄指便是南
箕子之直書者其寔不考律例而按

云有為鐵案使非知幾早回負簡則又
西狩獲麟以前所未嘗有此警死也改
書名為罪惟天下之大或於之深原其
故者至於初諱為特昭之初疑為特信
之初證為特正之初執為特存之初彼

以厄為特命之祐是特決之所
為取象在此馬班以下或等之商之也若
夫罪惟錄得及原題之日是即左尹得
漢京姓名之日靜聽之天而已

漢京姓名之日靜聽之天而已

罪惟錄目錄

紀二十二卷

卷一 太祖紀

卷二 惠宗紀

卷三 太宗紀

卷四 仁宗紀

卷五 宣宗紀

卷六 英宗紀

卷七 代宗紀

卷八 英宗後紀

卷九 憲宗紀

卷十 孝宗紀

卷十一 武宗紀

卷十二 世宗紀

卷十三 穆宗紀

卷十四 神宗紀

卷十五 光宗紀

卷十六 熹宗紀

卷十七 毅宗紀

卷十八 安宗紀

卷十九 魯王

卷二十 唐主

卷二十一 桂主

卷二十二 韓主

志三十二卷

卷二十一 天文志

卷二十二 曆志

卷二十三 五行志

卷二十四 冠服志

卷二十五 藝文志

卷二十六 地里志

卷二十七 禮志

卷二十八 樂志

卷二十九 土田志

卷三十 貢賦志

卷三十一 屯田志

卷十二 九邊志

卷十三 河渠志

卷十四 漕志

卷十五 班爵志

卷十六 陵志

卷十七 經筵志

卷十八 科舉志

卷十九 直閣志

卷二十 兵志

卷二十一 刑法志

卷二十二 典牧志

卷二十三 茶法志

卷二十四 錦衣志

卷二十五 宗藩志

卷二十六 學校志

卷二十七 職官志

卷二十八 將作志

卷二十九 鹽法志

卷三十 錢法志

卷三十一 數志

卷三十二上 外志

列朝帝紀逸

妃嬪逸

附外威

諸王傳逸

大事逸

列朝屬葬封爵

卷三十二中 外志

諸臣傳逸 列朝諸臣詩歌逸 議論逸 謠諷存

卷三十二下外志

夢兆 因果 妖厲

傳三十六卷

卷三十一 皇祖禰列傳

德祖玄皇帝 懿祖恆皇帝 熙祖裕皇帝 仁祖淳

皇帝

卷二 皇后列傳

馬皇后諸妃美人附 馬皇后常皇后 徐皇后王貴妃 妃妙 權 張

皇后 孫皇后胡廢后 郭 錢皇后周太 汪皇后杭皇

王皇后吳廢后 紀太 張皇后 夏皇后 陳皇后張廢 方

皇后杜太 李皇后 陳皇后李太 王皇后王太后 鄭貴 郭

皇后王皇后劉太后李莊妃李選侍趙選侍

張皇后張裕妃李成妃胡貴妃馮貴人

周皇后

田貴妃魏費二宮人

卷三 皇太子列傳

皇太子標 皇太子文奎 皇太子見濟 皇太子祐

極 皇太子載臺載壑 皇太子翊鉞 皇太子慈甲

皇太子慈乙 皇太子慈烺

卷四 諸王列傳

異姓諸王列傳 揚王陳公 徐王馬公

同姓諸王列傳 壽春王五一南昌王興隆盱眙王興

盛臨淮王興祖

太祖二十三王 秦愍王棧隱王尙炳惠王公錫簡王誠劉氏

晉恭王綱憲王美圭二妃孫氏石氏端王知烺簡

周定王櫛 子有嫩妃 夫人祝氏 楚昭王楨 憲王季境景王季椒通城王盛激激弟濂將軍華彙徐學

顏 齊王樽 潭王梓 趙王杞 魯荒王檀 王頤 蜀獻

王椿 靖王友琦妃黃氏和王悅妃徐氏定 湘獻王栢 代簡

王桂 山陰王俊柵靈丘王遜焜子 肅莊王槿 遼簡王植 恭

寵授莊王致格妃 毛氏光澤王甲 慶靖王榘 憲王妃 寧獻王權 岷莊王

榘 谷王穗 韓憲王松 昭王旭樾定王融樾襄陵王冲秋範址旭撞 瀋簡王

模 安惠王楹 唐定王極 郢靖王棟 妃郭氏 伊厲

王櫛 定王諶錡王舒淳 靖江王守謙 父文正

懿文皇太子四王 虞懷王雄英吳悼王允燿衡愍王

允燿吳哀王允燿

惠宗一王 原懷王文圭

太宗二王 漢王高煦 趙王高燧 康王厚燧 周皇

仁宗九王 鄭靖王瞻垓 王厚焯世子載堉 蘄獻王瞻垠 越靖王

瞻墉 襄憲王瞻堉 荆憲王瞻垠 端王厚焯 樊山王常湖

淮靖王瞻垧 滕懷王瞻垧 梁莊王瞻垧 衛恭王瞻垧 楊妃

氏

英宗七王 德莊王見潏 許悼王見淳 秀懷王見澍 崇

簡王見澤 忻穆王見治 吉簡王見浚 徽莊王見沛 陽滋

王及興化妃龐氏 忠信妃鄧氏

憲宗十王 興獻王祐楳 岐惠王祐楹 益端王祐楹

衡恭王祐楹 雍靖王祐楹 壽定王祐楹 汝安王祐楹 涇

簡王祐楹 榮莊王祐楹 申懿王祐楹

孝宗一王 蔚悼王厚煒

興王一僭王 岳懷王厚熙

世宗五王 景恭王載圳顏希 穎殤王載壘 戚懷王載

壘 薊哀王載壇 均思王載風

穆宗二王 靖悼王翊 甲潞王翊鏐

毅宗三王 懷隱王慈照 永悼王慈煥 定哀王慈燦

宗室未詳封派 宗人沔新鏐姜妻 時寰 誼泉至親 慈燃十口

王杞人个 衲李蘭臯俞子 在鉞 乾官善詞

卷五 翼運王國列傳

滁陽王郭子興 宋韓林兒

卷六 衡運諸國列傳

金朱光卿孫秀 趙韓法師 周周子旺 棒胡李 志甫 范孟

蔣丙仁何 羅天麟陳積 彭和尚 方國真 天完 徐壽輝

漢陳友諒 吳張士誠 夏明玉真

卷七 逸運外臣列傳

秦從龍 陳遇 伯顏子中 簡祖英 高彬 蔡子英

張昶 楊維禎 王彝 劉于徐大年 沈夢麟 滕克恭 王恭 陳亮周玄黃 玄唐泰王儼

汪克寬 趙孺朱右 朱世廉 梁寅趙汭陳謨 周南老 俞希魯 宣岳曾

道源 葉顥葉儀葉兌金信吳海杜瓊楊恆徐舫周良

卿林清 高明復見心李徵臣

卷八上 啓運諸臣列傳

徐達 子輝祖 孫欽 常遇春 子昇 諒 李文忠 鄧愈 湯和

沐英 子春晟 昂等 馮勝 國用 傅友德 王弼 曹震

卷八中 啓運諸臣列傳

李善長 王濂 劉基 子璟 宋濂 章溢 陶凱 陶安

宋訥 吳沉 吳伯宗 韓宜可 吳良 弟楨 朱亮祖

華雲龍 丁德興吳復氏妾楊 康茂才 胡美韓政思祖黃

彬陸聚曹良臣 納哈出 李思齊氏妻鄭 何真 甯正張溫

葉旺馬雲 張隆陳桓謝成李新張赫張銓戴德何德

仇成王簡 繆大亨丘廣何世明王銘張斌金興旺徐

司馬歐普祥繆美 馬燁

卷 八下 啓運諸臣列傳

藍玉 廖永忠兄永安孫鏞銘 俞通海父廷玉弟通源通淵 胡大海養子德濟王宗

顯 楊璟 薛顯 郭興弟英弟德成孫登五世孫助 桂彥良 唐鐸

崔亮牛諒任昂李原名朱升 劉仲質任亨泰樂韶

鳳 朱善 單安仁 詹同子徽 范常 薛祥

卷 九上 抗運諸臣列傳

方孝孺父克勤兄孝聞弟孝友妻鄭氏子中憲中愈二女 練子寧徐子權 高翔程濟

卓敬 高巍 鐵鉉高賢 景清固 胡閏女郡 黃

鉞楊福 王叔英妻金氏 二女 周是修 張銓何廷魁 崔儒秀 高邦佐 陳輔堯 段展

及尤世功等十人 孫承宗李承先 魯之甲 劉興祚 子孫十八人 鹿繼善 盧象

昇弟象 觀葛麟 陳安 蔣思宸 尤世威都任李文煜及王世顯等八人 翟文等五人 傅德等十一人 尤勉等四人 劉將軍李

齡昌 周遇吉妻劉氏 崔青楊 鼎勳 楊鼎樞 蔡懋德林曰瑞 郭天聲 馬贛 盧俊傑 趙建極 畢拱辰 閻剛中

應時盛朱孔訓牛勇王永魁等共四十六人 倪元璐弟元珙 族子 舜屏 伯明 李邦華劉明 寶

凌義渠 吳麟徵乙包 金鉉母章氏 側室 王氏 弟錄 張羅彥羅善 羅俊

羅輔等三十三人 劉會昌 邵宗玄 金毓 喇方 正化 張羣 高陞 陳士章 朱都司 郭貢士 史可法任民育 吳爾 羅何 剛施 鳳儀 黃鉉 吳

道隆 衛胤文及盧涇 林等六人 武職乙邦才 劉肇基 龔堯臣及馬應奎等十二人 周志長

卷九下 抗運諸臣列傳

楊廷麟 萬元吉盧觀象 月中桂 王其 隆 龔 葉 萬發 祥 莊 汪 起 鍾 良 則 袁 從 諤 劉 孟 鉤 楊 文 薦 於 斯 昌 劉 天 駟 汪 起

龍程必 陳子壯麥而 炫 朱實 蓮 陳邦彥楊景華 楊可觀 張家玉張林 游 張如 韓如

瑛黃者肱陳于赤尹端庵
韓如瑛趙省一盧定國
瞿式耜
何騰蛟 妻徐氏妾王氏楊宣威堵胤錫

姜曰廣 二子
王祁
李定國 劉文秀白文選
李來亨 郝搖旗劉二虎

張煌言
鄭成功 馮遠彰甘輝

卷 十 理學諸臣列傳

孔氏世家克堅 鋪
顏曾孟三氏世家 周二氏
李仕魯

林駟
曹端
薛瑄
張元楨 陳真晟
吳與弼 陳海雅胡居仁
周

桂 劉觀李中
陳獻章 賀欽李子箕張詡林光
蔡清 陳琛丁幾周積
楊廉
王

守仁聶豹王畿 羅汝芳鄒守益歐陽德劉文敏徐愛薛侃
湛若水
羅欽順

魏校
邵寶
張邦奇
舒芬 王慎中羅洪先丁寶查鐸張元忭
彭韶

呂柟 邵銳
耿定向
許孚遠楊時喬
鄧元錫 劉元卿王敬臣

顧憲成 弟允成張納陞
鄒元標
馮從吾
高攀龍
趙南

星 鄒維
陳龍正

卷十一 上經濟諸臣列傳

周忱 高穀 耿九疇裕子 楊信民 于謙 李賢

李秉 崔恭 王竑 韓雍 程信 項忠 岳正

朱英 葉盛 王恕 黃紘 歐陽鐸 商輅 彭時

馬文升 費宏孫曾 王瓊 韓文 許進 王鏊

梁儲 楊一清 喬宇 楊廷和慎子

卷十一 中經濟諸臣列傳

秦紘 林鶡 王越 童軒 鄧廷瓚 何喬新 劉

纓 劉健 謝遷 李東陽 周經 張敷華 樊瑩

戴珊 楊瑄 彭澤 徐九經 馬森 王錫爵衡子

沈鯉 周嘉謨

卷十一 下經濟諸臣列傳

徐階寅夏 張任 趙貞吉 葛守禮 徐中行 喻時

程燦 張佳胤 梁夢龍 楊博子俊 張居正孫同

任環 陳堯 陸光祖 周思兼 李遷 孫丕揚

陳洪濛 郭正域 梁應澤 劉應遇 張延登

朱家民 朱燮元 熊廷弼 蔡復一 徐光啓

卷十二上 致命諸臣列傳

張天祐郭元帥 桑世傑 趙忠 劉成李崇 茅成 胡深 張德

勝汪興祖袁義朱顯忠 宋國興妻曹氏 花雲妻部氏侍兒孫氏朱文遜 耿再成朱文剛

熊鼎白源 王禕子紳孫徐 吳雲 許瑗鼎 孫炎王道同 王愷子章城

葉琛萬思誠 孫本立 曾萬中朱潛許圭霍輝劉齊朱叔華趙天麟童會 趙德勝孫裔

輔牛海龍程國勝李繼先趙國旺徐明張德山夏茂成張子明捨命王 韓成丁普耶張志雄及宋貴等三十五人 于光

孫興祖平定龐 曹良臣周顯左榮張耀章存道 濮英 葛誠盧振杜奇余逢長彭貳

東湖樵樂清樵

吳克忠

父允誠柴秉誠弟克勤子瑾

劉儁

劉昱呂毅薛嵩

劉子輔

馮貴侯保陳忠琴彭陶森輔陳洽劉任柳升崔聚史安陳鏞

徐麒

蔡顯

易先

劉安

陳麟

李任

福順勝桂

何忠

方政

洛宣翟享

周敖

子曰路

陶成

子魯

葉禎

子公榮從子官慶瓌用和

張瑛

陳榮

王清

毛吉

王麒

申澄

毛忠馬貞

姜

漢

子爽僕祿

馮禎

霍恩王杲

周憲

子幹前

孫燧

許遠

宋以方

馬思聰黃宏

柳芳

段豸

霍恩王杲

卷十二中 致命諸臣列傳

郝景春

子鳴鸞楊道選陳宜朱邦聞鄒逢吉王良鑑

阮之鈿

石惟壇唐啓泰徐日泰

傅宗龍

張克儉

劉士傑郭關猛先捷酈曰廣

汪喬年

劉國能猛如虎

呂維祺

王胤昌白守文張道

脉武職七人王明楊萃常克念劉芳英韓金聲苟良翰

韓巍

廖應登

徐源一

徐世淳

子肇

樑妾趙氏王氏王燾

錢祚徵

劉振之

鍾其碩龔新潘弘通費令謀

王聖佐

王選王琴冉

柱國

廷訓

龔元祥

姚允恭蕭頌聖王明德

丘民仰

李三楚曹變蛟王廷臣

楊文岳 王世燦朱國寶文師 王漢 陳治邦 關永傑 崔泌之王受

趙珽 門 鄧蕃錫 振世鄭履祥 方文耀 陳輔堯 蕭漢

李貞佐 母妻楊呈秀張人龍郭裕陳 盧謙 胡守恆 胡光翰

王基貞 陳應詔應 韓光祖 門 易道暹 子為 宋一鶴 戴良暄

沈壽 崇 孫傳庭 妻張氏二女六妾口氏 黃綱 妻王子和 段復興

董琬崔爾達唐時明鄧居 焦源溥 兄源清南企仲居益居業祝

道 王徵 劉長庚 妻雷氏幼女楊繼 吳從義 子媳 楊暄 一朱

純 陳萬策 李開元 馮一第 馮雲路汪廷 劉熙祚 孔希

賀逢聖 妾范氏子光明媳 樊維城 許文 王孫蘭 蔡道

憲 林國俊九人周二南李 朱之馮 林曰瑞 馬燾哈維新姚世

俊傑趙宜 衛景瑗 馮三樂徐有聲 徐標 何謙 陳士奇 陳纒王

錫吳 朱廷煥 門 陳濱 周鳳 陳良籌 夏時亨李 李國楨 弟

甲儒士張世禧
禧子懋賞懋官
張世澤吳遵周楊崇猷衛時春薛濂
郭王振

長錫張光燦等十人

卷十二下 致命諸臣列傳

劉文炳 妻杜氏 弟文耀 諸父維祖
張振德 妻錢氏 二女一家 九人

禮王碩輔 左重洪 惟翰 馮鳳 雞張志
譽宋應 皋袁一修 蘇樸 張盡倫 胡纈
徐可求 孫好古 駱日昇 黃守魁 周章

文炳下 王三善 人魯欽 楊明輝 管良相 丘具仰
龔萬祿 學二

妾二孫 姚文胤 魏顯 滿桂 孫祖 党還醇 李獻明 何天球
李世助 照 壽 張鳳奇 羅成 功

楊謙任光裕 徐澤之 諫安 鄧祖禹 鄧玘馬 張可大 陳良讓 盛
上達 李廷表 楊其禮 朱國彥 鳳儀

謝連朱萬 徐從治 王象復 子與 夔與 慧從子 與朋 從子與
年張瑤 景嵩 郭應響 寇從義 李寧 王國璽 郭

胤 子士和 陸夢龍 賀奇勤 石崇 德費彥 芳張九 登郭 尹夢鰲
妻于氏 景嵩 郭應響 寇從義 李寧 王國璽 郭

趙士寬 孫士美 趙躋昌 龐瑜 張紹登 曹文詔 賀人龍 王
何變 趙士寬 孫士美 趙躋昌 龐瑜 張紹登 曹文詔 賀人龍 王

柱陳子玉 朱國相 萬文英 六人 武 孟兆祥 妻何氏 子章 施
艾萬年 職四十一人 武 孟兆祥 妻何氏 子章 施

邦耀從子湯賢

王家彥

周鳳翔從子晉

汪偉妾耿氏

劉理

順妻萬氏妾李氏僕四人

馬世奇二妾李朱

成德父母妻妾一門

陳良謨

妾時氏

吳甘來顧鉉彭瑄

王章子棻

陳純德馮垣登趙讓俞志

虞

劉有瀾

陳貞達施溥張應選毛維張五教

許琰陸士

鉉王養心

申湛然王明灝王介休

燕湖兄弟

殷淵姚時中

劉復興湯文瓊羅霖郝奇遇通州生東江畫士布衣周

生賣菜傭薛化奇謝化奇石電

何應瑞

劉廷弼陳子楷張捷

朱

大典

吳邦璫

劉宗周

王毓著

祁彪佳

郭符甲

徐石麒

子爾毅穀妻孫

氏陸清原屠象美鐘鼎臣孫元賜王鯤張翊常三益高孟超子昌齡

劉中藻

子思誠湯雲章雲章子芬

鄭遵謙

叔之瀚陸芳侯阮日生

熊汝霖路振飛

張名振

母李氏兄名甲名揚家口五十餘人顧明楫

黃道周

葉廷秀趙淵卿賴敬齋蔡時培毛玄水

卷十三上 諫議諸臣列傳

陳汝輝 貝瓊 錢唐 青文勝 王朴 郎禮妻氏 □

吳印 馮堅 周敬心 葉伯巨 鄭士利 韓郁

王直 楊砥 羅義 王永和 朱鑑陳福 王直 周叙陶元素

黃宗載 李時勉 陳祚 劉球孫鐸 廖莊章綸孫一焯

鍾同 邢讓 劉鉉 張寧 王徽 林聰李侃 豐慶 倪岳

陸容 周洪謨 姚夔 楊守陳子茂元 孫美瑛 丘濬 徐溥

劉珣 高明 羅倫 強珍 儲燾 吳寬 楊循

吉 夏寅 張吉 林俊 章懋 李文祥 鄒智湯兼

羅玘 魏元 何瑋 何景明 吳一鵬 李夢陽

王九思 黃鞏陸震何遵俞廷瓚林公輔詹軾孟賜劉概李紹賢李惠王翰張英 何遵 楊源

張士隆 毛憲 劉蒞 許天錫 鄭善夫方豪股 雲霄 王雲

鳳 毛澄

卷十三中 諫議諸臣列傳

崔銑

王杲

厲汝進 查秉彝

楊繼盛

鄭曉

子履 淳

沈束

妻張氏 妾潘氏

林嫌

許國

余繼登

楊爵

周天佐 蒲鉞 魁 周怡 熊浹

劉

馮恩

子行

陸燾

沈鍊

吳時來 張 柳 董 傳 策

王宗懋

朱賡

沈一貫

申時行

王家屏

趙用賢 沈懋學

卷十三下 諫議諸臣列傳

葉向高

熊明遇

滿朝薦

袁化中

顧大章

周

朝瑞 左光斗

周宗建 王心一

倪思 輝

黃尊素

魏大中

夏嘉 遇

張瑋

方震孺

惠世 揚

方孔炤

父大鎮 子以智

趙

卷世卿

謝杰

李三才

孫瑋

張養蒙

馮琦

岳

元聲

姜應麟

姪思 睿

王紀

陶望齡

劉一燝

孫

慎行

陳于廷

何士晉

周起元

王之寀

梅之

煥 萬燦 繆昌期 李應昇 王允成 文震孟祖

明 成勇 錢元愨 馬鳴世 吳适

卷十四 諷諭諸臣列傳

吳客 秦裕伯 李實王復 趙榮 楊善 康海 李譚

唐文獻 沈自徵 夏之旭

卷十五上 清介諸臣列傳

劉崧 羅復仁 道同 王敏劉敏 凌漢 陳賢

胡壽安 魯穆 魏驥 王琦妹 項麒 陳諤 陳敬

宗 陳銘劉實 劉儼 况鍾能 薛 軒輓張悅 葉宗

行 劉實蘇琳 呂原李綱 楊繼宗 陳選張 裴 高 瑤

周子良黃孔昭張悅林瀚陳壯謝鐸 石璞 莊景

卷熊繡 陳壽

卷十五下 清介諸臣列傳

吳廷舉 張舉 陳茂烈 雍泰 劉麟 邵清 盛應

期 梁材 蔣瑤 魯鐸 涂禎 張泰 邵寶 劉璽

牟斌 唐侃 朱裳 葉信 王勳 吳山 張昂 朱

瑄 顧璘陳沂 陳有年孫鑑 陸樹聲 海瑞 查應兆

朱光濟 劉賁卿 李廷機 周順昌 朱天麟

卷十六 乘時諸臣列傳

姚廣孝 張玉子輔 朱能子勇 七世孫 希孝 希忠 丘福李遠 王聰 火真 王忠 鄭

亨姜張氏 顧成 宋晟子璵 瑛 陳瑄 張信 陳亨子懋 王

真 薛祿 袁彬哈銘 沙狐 理楊 填 顧佐邵珵 李驥 胡壽安

陳璉 王儻 吳勤 王彰 石亨從子 彪 徐有貞 張

孚敬 席書 霍韜裔孫 衛 桂萼 方獻夫

卷十七 循謹諸臣列傳

顧光遠 胡壽昌廣子 徐屋 魏觀何質周壽誼 汪仲魯

軫王 吳履震費 孫遇 馬達簡吳 謝袞 趙豫 方素

易王士廉 貝恆陳本深張鼎新譚思敬譚曰整扈暹劉網鄭連劉奎傅皓虞乘安王泰史誠祖 陳

鎰 程富弟志學孫澤 王璡字王 盛顥 鄭野 陳

晞 王鴻儒 祝顥孫允明 原傑 丁積查約 劉珽

朱希周 張位 龐嵩

卷十八 文史諸臣列傳

劉三吾 陳繼 殷奎 顧異 陶振申 屠衡 徐左達林大同

錢達 梁時澄樓 張淮 張適 孫費 高啓彙王 王行

桂德 傅胡翰 危素黃 葉子奇 陳桎杜 趙搆 謙

曾魯 吳訥 王燧王達傅 徐善述鄒 曾棨 吳朴 曹鼎

張益 聶大年 張弼 楊循吉 陸深 唐寅 張靈

湯胤勳 劉溥 徐禎卿 邊貢 薛蕙 王廷陳 敖英

唐順之 李攀龍 徐中行 宗臣 梁有譽 吳國倫 謝榛 三甫

汪道昆 江民望 趙鶴 桑悅 瞿景淳 盧柟 陳束 徐

渭 沈明 臣 陸師道 胡應麟 孫宜 柯維祺 湯顯

祖 李贄 袁黃 袁宗道 弟宏道 中道 從子 彭年 焦竑 郝敬

董其昌 王思任 蔡毅中 何喬遠 妻王氏 鍾惺 譚

元春 陳仁錫

卷十九 武略諸臣列傳

平安 盛庸 全忠 蔣信 劉江 山雲 孫鏜 楊洪

朱永 純臣 忠 施聚 父 焦禮 劉聚 孫 蔣貴 王信 仇鉞 保助楊英 孫鸞

楊銳 萬表 王翺 王驥 沈固 侯璉 年富

何孟春 唐胄 王廷相 伍文定 馬昊 王倬

子忬孫世貞世懋

寇天叙 陳察弟 劉天和 張岳 陳九

疇 唐龍王憲 陸完族子 汪應軫 翁萬達王邦直張鳳

馬永雄 馬芳 石邦憲 周尙文 劉顯綰子 俞

大猷 沈希儀 戚繼光父景通 左良玉 黃得功翁之琪

卷一十 荒節諸臣列傳

解縉子婦胡氏 楊士奇 夏原吉 楊榮 楊溥 宋禮

黃福 黃淮 胡儼 尹昌隆 金幼孜 蹇義

胡濙 張紱

卷二十一 播匿諸臣列傳

嚴德明 錢甦 李希賢 唐桂芳 孫鎮石 允常 周縉 孫岳

陳暉馬溥徐真孫成王貴孫霖 王資劉紳 豐寅 初陳周劉亨徐安何

應泰金焦趙天泰鄭洽程亨趙清王璉林大同牛景先
等 河西傭雪菴和尚大呆會稽樵雲門僧補鍋匠洞

庭居士 龔翊宋味古儲福 梁田玉 郭良梁中節梁良用宋和郭節何州

梁良玉何申 繆恭 田時震 劉宗彝 章正宸 董孝瞻 何弘仁沈

綵 王季木楊玄錫 黑子僧 劉永錫 漢人 劉貢士 王兆熊

卷二十二 隱逸列傳

吳宗元鄭淵陶宗儀鄭柏林希蔭 張介福王寵邢參

顧仲英 袁凱 王賓 韓弈 楊黼 黃流 吳琬陳鶴 一瓢

人道 王古直 孫一元

卷二十三 俠烈列傳

都文信 馬甲 沈炤 杜洪 都司張吏矧劉

卷二十四 獨行列傳

陳圭 錢迪徐植 王洵兄弟 魏祖忠 戴君用 顏琇 莫轅 都文信 陸安朱

煦 徐允讓 潘妻 容師偃 劉靜趙智 慧弟 羅璋 何應宣 殷士望

廖廷皓 王在復 于博 張永安 張承相 李壯 丁兒 伍民 憲夏 暘葉仁

枚 應法 吳璋 包實夫 趙讓 周炳 李得成 向化 陸尙質 陳

榮 王原 李孔修 劉閔 曹景 中 馬宗範 宋顯 章孫

清林桂 何孝吳 門乞兒 潘寬 葉文榮 盛本源 吳鼐

黃珏 鄭濂 張鵬王石 幽黃鍾 談祿 盟剛 李需 李琚 徐樑 鄭元 朱勇 張顯 趙思 剛 何競 沈麒 俞

敬 崔鑑 王世名 萬文亨 董福兒 歸鉞 劉僕 阿寄 闔

兒 丁廣 瞿嗣興 李森 史際 李疑

卷二十五 庸誤諸臣列傳

齊 泰 張曷 謝貴 耿炳文 璿子 宋忠 楊松 潘忠 袁應

泰 子楷 朱萬 良姚 居秀 張鶴鳴 弟鶴 騰 楊鶴 子嗣 昌 陳奇瑜 熊文

燦

卷二十六 方外列傳

宗泐來復 永隆一初道成 梵琦曇噩寶金元應文康

清遠本善 祖鏡信懷溥洽 昌海善啓智中覺曇 惺

吉堅茂日瓦領禪伯 迴光禪師占國師 行果 德琮暈頭陀白

雲和尚 長橋老子龍華寺僧仁 斗母老僧 冷謙

張中貝國器周顛簡雲道修吳道安劉五閻希言張三丰 趙應童羅天祐卓晚春

卦和周玄真俞震齋張正常鄂仲修麻衣姑苟仙姑 陶

子成 王士能邵道人尹繼先 曹太初裴慶 壽岳

山賀長李麩子柴道人馮都長 望氣道人來道人

卷二十七 藝術列傳

沈度徐子仁謝子象宋克宋昌裔詹孟舉胡廷鉉夏泉昇兄倪瓚張觀

王紱黃子久戴進吳偉呂紀沈周郭詔 金忠 袁珙

子忠 戴原禮周漢卿汪機蕭甲葛林陶華吳傑 鶴盤道人

王履盛寅劉溥錢瑛王時勉 荆祥徐杲 全寅張崙

程君房 鄭仰田 皇甫仲和

卷二十八 閨懿列傳

宗室 朱德貞瓊秀瑤芳 附廖氏 劉生妾 附吳氏 安福郡主

隆姬

女貞 湘女衛林氏小花祥符陳女張氏女秀劉粉兒

張福妹潘聖姑史義姑劉康妻熊氏蔣仁姑歐陽妙聰

會稽范氏謝萑九妻李氏林萊紀貞女方渭女嚴大臨

妻張氏程菊英顧同吉妻王氏 張昱妻趙氏楊允修妻何氏沈懋賢妻林氏葉周妻宋氏 包

守信妻鄭氏楊玉英張氏女秦泓昌妻吳氏藍明娘黃

烈女甄時用妻陳氏王成妻郭氏楊洪柱妻萬氏王守

仲妻程氏陳毓華妻浦氏張維妻王氏張旺妻石氏□

□養妻丁氏吳汝璐妻殷氏任士英妻王氏趙燭遠妻

陸氏陳若瑛蔣政妻張氏素貞卜息妻齊氏徐侯女宣

城施氏曲喬遷夫人趙指揮女武昌女子施□女何烈

女

婦烈 鄭洪妻石氏張氏侯節婦趙康妻袁氏李傑妻張氏夏永昌

妻高氏魏相妻萬氏孫林妻王氏田銳妻張氏 吳扶陽子匡霞妻汪氏吳賓廷妻汪

氏吳可寬妻戴氏余怡然妻劉氏朱元德妻程氏汪彥

雲妻洪氏景遇昌妻陳氏孫鎔妻杜氏嚴循閑妻羅氏

松江陳氏徐州十六烈陳洪謨妻岳夢熊妻尹鎬妻居澣妻劉孝妻金齋妻蔣維賢妻陳王道妻武金麗妻

宿州張氏魏嘉賓妻杜元禎妻李榛妻 豐縣二烈孫繼忠妻韓永慶妻 蕭縣

八烈

張冲奎妻張振鸞妻何拱瑞妻陳時鳴妻何鳴漢妻縱爾翼妻沛縣八烈陳恕妻張化龍

妻王嘉仕妻卓冠倫妻呂登瀛妻馮東魯妻郝綦隆妻宋奪兒妻碭山縣十六烈許環妻謝文煥妻劉燦妻劉崇隆妻

毛九韶妻張拱辰妻薛銳妻李崇燿妻向希堯妻張文煒妻王國光妻湯執中妻汪允復妻卓士進妻陳煌妻汪儀黃妻苑守政妻王旦妻豐

縣五烈

周詩妻孫脩妻崔大節孫景雲妻鍾氏歙縣六烈汪永錫妻

鄭瓏妻謝湯妻汪一中妻汪應宿妻汪應玄繼妻鄭若濟妻蕭氏趙一鳳妻尤氏譚

貴妻何氏魏政妻張氏歸善世妻陳氏章貞烈婉奴貞

文進妻潘氏

婦孝 錢瑛妻張氏石孝女杜元昭妻費氏陳細秀莫

氏婦李氏婦吳三娘

婦白冤 閩州太守妻王佇妻林淑圓汪欽妻周氏李

玉英

婦死寇烈 陳淑真夏氏唐方妻丁氏郭丑謝氏婦邵

縉紳妻陳氏弟縉縉妻黃氏黃二苟妻陳氏吳金童妻莊氏唐

貴梅張隆孀陡門婦張倉女四桂曾景韶妻鄧氏陶恆妻

楊氏徐亞長林淑媪張卿女高麗妻武氏趙鐵妻陳氏張桂秀張貞女

兪烈女游銓妻張氏李華妻胡氏許希曾妻錢欽妻茅

氏興化鄭文煥繼妻郭氏等四十六人趙尙貞董線娘

蔣九達母吳氏陳開先妻郝氏張士柏妻陳氏梁以樟

妻張氏黃鼎妻宋氏王治新妻黃氏陳于殿女王前士

妻李氏張聯奎妻何氏王基紹妻馬氏任如龍妻項氏

劉貴姐縱鯤躍妻吳氏高荆媪楊自秀女搖全哥馬應

科妻陳氏雪梅周祚永妻王氏何湖妻縱氏任國寶妻

戴氏熊夫人宋氏潘鵬妻楊氏黃廷諫妻陳氏同其妹

吳信妻王氏尹熙華妻吳奎妻張氏都城女子張氏李

氏姑媳孫宜人林穎新妻李氏弟鼎新妻劉氏張縉妻

吳光辰妻謝氏錢灃生妻陳氏利應昌女沈懋華女麥

名世女妹二姑麥受年妻周氏賴度妹丹陽婦來氏謝薦妻張氏易

為昇妻汪氏宗正妻斯曰福妻黃氏嚴金妻王氏瞽女

塘橋女羅田女淄二女博羅韓女張欽臣妻金氏長沙

何氏女紐蘭方氏楊自秀女

文詞 清江范氏蘭嫺郭貞順曹妙清張妙靜高妙瑩夏雲英劉

翠翠李金兒朱靜菴鄒賽貞毛鈺龍吳門李氏孟淑卿薛

氏屈氏陳懿德潘碧天孟蘊虞氏王素娥楊氏田玉燕

陳氏吳氏陳小蘊紀映淮董妙玉劉唐人鄧鈴二薛氏朱

桂英陸娟陳氏吳氏詠雲居士邢靜慈瑤瑟李大純德朱

璉袁九淑鄧氏劉苑華璉桑貞白尹紐榮王姪周玉簫

周潔梅生生宋婉范氏謝彩丘劉魏將蘭馬氏遼宮人

陳素徐德英書櫬女子錢氏方氏徐氏杜漪蘭姚青娥斗娘

文氏詠雪居士李秀葉氏二女廣陵女子顧氏歸淑芬楚

卷宮女子

男裝 韓氏女林興妻蘇氏善聰白母葛氏

女不入教坊 何氏何雄二女王氏

妾義 姜榮妾竇氏朱昱妾陳氏寒香晚翠陸鯨妾單

氏黃采妾朱氏張氏孟知性妾郝氏葛寅亮妾胡氏許

嘉妾唐氏

教坊 高娃邵金寶王翹兒少華青鏤劉引靜

色目 高希鳳妻劉氏弟藥師奴妻李氏季弟伯顏不花妻郭氏從子高塔失丁妻金氏姑邢氏卒裴皮鐵

李氏三娘子

卷二十九 宦寺列傳

杜安道 李善胡清董良趙成而聶慶童 雲奇 鄭和 孟驥李謙雲祥田嘉禾王彥 王安

馬靖李進馬雲李興王琮李逢 阮安沐敬劉永誠 劉順 金英 范弘阮浪 程

宗 劉寧馮智 興安 覃褒 覃吉 懷恩 陳準

何鼎 蕭敬 崔升 王承恩 李鳳朔王之心高時明褚憲章馮小璠張國元又小監及

呂胖 馮麒 王振 韋力轉 單增陳義劉茂 汪直 阿丑 韋瑛

王敬 李廣 禮王 劉瑾 八黨 劉允 吳經 子經 史宣畢真

閻洪崔文 芮景賢來福黃英戴永趙楹 孟冲 滕祥陳洪 魏忠賢 氏客

卷三十 奸壬列傳

胡惟庸 茹瑺 陳瑛 紀綱 門達 臬遠 焦芳尹旻

萬安 劉吉 李孜省繼曉 錢寧 江彬 嚴嵩 子世蕃

趙文華 鄒翫 崔呈秀 霍維華

卷三十一 叛逆列傳

邵榮

趙繼祖

蔣英劉震李佑之賀仁德

熊天瑞

周謝遂

再興王宣

迭里迷失喬僉判宋玉相

張良臣

玉琳蘭秀曹真

曹欽

叔吉祥

唐賽兒

鄧茂七

蔣福成

葉宗留

葉希八

黃蕭

養

劉通

李胡子

王臣張金峯

桑冲宋文元圓曉

滿俊

孔布

藍廷瑞

劉烈廖惠鄔本恕

謝志山藍廷鳳池仲容

劉寵劉

晨楊虎劉惠

李福達

李子龍

丁大全

胡雪二王浩八

進

貴葉三保

郭鑑柳忠

池子季富子王寶黃鎮

李英

馬祖師

趙劓兒於蠻兒王經

師尙詔

哮拜

子承恩

趙古元

劉元緒

徐鴻儒

王好賢劉永明

程鵬

王嘉胤高迎祥

諸部賊

羅汝才

李自成

張獻忠孫可望

卷三十二 列朝諸臣逸傳

于子仁 蘇琦張致中許士哲徐存義馮堅倪基馬名

廣 陳郊 沈萬三秀弟萬 風李 周砥陳體方戴

冠 徐孟晞鄒緝政王 金庠吳中 張勛 姚顯楊浩

白昂彭序陳音盧璣 李興 程敏政何文淵 洪

鍾 陳琦孫鼎 官廉 陳鉞 張芝李應禎 陳智

胡喬年 胡燿 張綵 張縉 聶能遷 袁崇煥

韓如愈 管紹寧楊光 阮大鍼 黃斌卿

卷三十三 外藩列傳

西蕃 安南 河套滿都魯 哈密 臺灣附舟山及海

卷三十四 蠻苗列傳

湖廣諸蠻苗 鎮溪龍許保 兩廣蠻獠傳 大藤侯

侯勝海 田州岑氏岑濬 憑祥李寰 龍州趙氏

四川諸蠻苗 藺奢氏 播州楊氏輝楊 貴州諸蠻苗

靄安氏 思州田氏 清平阿氏都勻阿氏 普安

米魯 雲南蠻苗 段寶 木邦曩罕弄 麓川思氏

瓊黎符蚋蛇 合黑番國 大味林國 西里

卷三十五 勝國列傳

遺元韃靼 擴廓帖木兒 瓦剌也先吧甘里米香

卷三十六 外國列傳

朝鮮國 日本國 琉球國那舍 和蘭國 占城國

真臘國 暹羅國 哈烈國刺黑魯迷 土魯番國黑

于闐國鹽澤 火州魯陳 哈失哈力 赤斤蒙古安定曲先罕東 罕東左沙州 亦力

把力 蘇門答刺國附那孤兒 黎南淨里 爪哇國蘇吝丹丁機宜重 迦羅牒里日羅夏

治合貓里 吉里地閩 滿刺加國魯啞 佛郎機國 呂宋國美洛翔 霧班隘

淳泥國吉蘭且南巫里 三佛齊國龍牙門百花東西天竺 文郎馬神國

天竺國 拂菻國八百媳婦 忽魯謨斯國 彭亨國佛柔

古俚國木瓜坎夷巴班卒 榜葛刺國福兒納 錫蘭國 柯枝國

祖法兒國 阿丹國哇阿 娑羅國 阿魯國淡洋肥米香 大

葛蘭國小葛蘭 卜刺哇國木骨都刺竹步刺撒 假馬里丁國麻逸凍龍牙加

卷 蘇祿國 古麻刺層坡 勿斯里 木蘭皮打回哈吟順哈 巴

刺西 急蘭丹王會諸國 溜山國膠幹 甘巴里甘把里米香

卷 加異勒國 麻菴國 黑葛達國白葛達 西洋瑣里瑣里

敏真誠國 八答黑商國 火刺札國 討來思 吃

力麻兒國 失刺思國 納失者罕國 亦思把罕國

賓童龍國 思覽邦國 淡巴國 白松虎兒國 阿

速沙哈魯 目錄終

罪惟錄帝紀卷之一

帝紀總論

明興不階尺土等漢之高祖顧祓除之義尤為卓絕論者

謂超越前代五事

一崇學一優外戚不事事一母后無簾之聽一掛印權歸樞部一禁官妓

然外戚優選坐致困窮兵權過操專閫不加則開國時評

所以善後而積之為貧與弱不及料也若乃宦官無制黜

陟不關銓部始固輕之後又至於極重擯之曰天子私人

夫天子私之彼安得不自私於是習為私公為私制私而

究溺於私群借之用庇其私激為朋黨國脉大傷則奉祖

訓者所不能神明其意矣而以叔父凌嫡而善敗以分兩

以親征定亂而安危係奉南宮似弟而非第尊與猷似孝
而非孝南遷之議一槩不行不審時要棄地之舉前以不
得已後以不能治理勢分而一槩行之不念前勞易儲一
見未免傷心廢后四見頗累盛德東宮失歡享年俱促支
子溺愛祚胤不長總非細故獨寘錯宸濠之律不可以加
靖難之師北平功可補過金川不啓未易卜年康陵德陵
淫佚踰等而不致有南巢孟津之禍則周德之未改天命
也所可異者高皇應婁降之祥成祖叶燕飛之兆原非人
爲長陵永陵兩起藩邸並以壬午改元靖難動衆南昌美
兵一以己卯之七月一以己卯之六月又皆月之十有一

曰永樂中三殿灾。嘉靖中九廟灾。皆以卒丑之四月。皇覺
以僧興。滇南以僧亡。景帝終於梨帛。逆跡不彰。烈皇盡於
投繯。運乃不復。二祖建義子。多仗戮。加而武廟以之。幾為
禍胎。思文以之。或延虛望。豈非有莫之為。而為者。與有明
理學。邁漢倫。彝過唐。形勢踰宋。即以直接有夏之明德。可
也。以問後世之論史者。

帝紀

太祖高皇帝

明太祖欽明啟運峻德成功統天大孝高皇帝諡永樂中
加神聖文武四字於原謚之上嘉靖中加謚開天行道肇
紀立極大聖至神仁文義武峻德成功高皇帝帝初名興
宗改元璋既貴改元龍字國瑞旋以龍字易犯易其旁為
帝字作龍書帝顯項後封於邾其後去邑為朱世居沛國
相縣既徙句容歷遷鐘離之太平鄉事在祖禰傳元文宗
天曆元年戊辰秋九月十有八日丁丑母淳皇后生帝為
第四子姿貌雄傑奇骨貫項聲如巨鐘及淳皇后相繼

厭世。元重六公持家貧。重七公出贅。太祖無所依。有汪媪
 者。資帝。皇覺寺為僧。師高彬。歲大饑。寺空。帝披衲野走。次
 合肥病。病中似有兩紫衣人與俱。宛轉病間。即不得。遇臨
 淮。郭山甫一見驚嘆。備陳天表之異。進卮酒。願他日毋相
 忌。歷六合。行代。豎儒負。豎儒息。槐而測。帝甲子。貴不可言。
 帝頗不自意。遍光固汝潁諸州。凡三年。復還寺。先是元識
 有佛子是真王之語。頗圖形大索。乃不疑。帝會汝潁。斬黃
 兵大起。郭子興者。與其黨孫德崖等。攻陷濠州。據之。寺為
 亂兵所燬。帝寤無之。禱於神。從雄吉。卜加藍神。逃與守皆
 不許。若躍自立。再卜
 再時。德崖共起事。四人。俞魯潘等。咸農家。剛悍。郭不與協。

壬辰元至正春閏三月帝伏劍入濠門者疑敵間起創之

以見子興子興釋之俾長十夫妻以所養馬公女即存慈

皇后也又軍中呼朱公子云時黃巖益徂方國真原名珍避仁祖

改矯元制叛服不常黃陂漁子倪文俊與鄒普勝等奉徐

壽輝稱帝於蘄水遷漢陽國號天完建元治平則郭子興

為德崖所窘見執幽窖中帝冒入脫之

癸巳元至正夏五月帝以花雲破懷遠全椒二縣復襲群

盜繆家寨走之乃還里募士得七百人上子興子興以帝

為鎮撫徐達等二十四人帝留自衛徐達湯和吳良吳禎

耿再成耿炳文唐勝宗陸仲亨華雲龍鄭遇春郭興費聚
郭英胡海張龍陳桓謝成李新張赫張銓周德興南略

定遠說降驢脾寨三千人。走元知院老張於橫澗山。得精
 兵二萬。隨下詔鼻洪山等寨。招定遠繆大亨降之。自是合
 肥吳復定遠馮國用王德興胡淵儲典等。各以所部來附。
 兵始振。乃定有約束。行間克泗州。定遠李善長布衣入謁。
 留書記和輯諸將。以花雲為先鋒。克滁州守之。

秋九月。元右丞脫脫。攻復徐州。賊芝麻李遁去。其黨趙君
 用彭早住。並奔濠州。脫脫分賈魯圍濠。濠諸豪初相拒。至
 是。死嫌城守帝獨力。會賈魯死。圍解。彭趙輒自王。而子興
 勢誼。依早住。尋為君用所繫。帝奔之。如父讐。得解。已彭趙
 內爭。早住死。君用必殺子興。帝使人百說之。子興乃得以

趙稱表義
 王彭稱魯
 淮王

萬人來滁。輒忌帝。盡奪帝左右。皇后為曲事子興。張夫人得無害。

甲午

元至四年

春正月，益儉張士誠以兵據高郵，自稱誠王。

國號周，建元天佑。

元脫脫以兵攻之，分圍六合。帝以唇齒

出救為解圍，還滁。元兵至滁，偽為款，縱所奪馬還。元兵

去。時濠人趙德勝、虹縣人胡大海來歸，並以為前鋒。

冬十月，孟嫂携其子正文及仲嫂間闕至。帝姐曹國長公

主已卒，子保兒名文忠從其父隴西王李貞亦至。會定遠孫

沐英方八歲名文忠在軍，帝愛之。與文忠皆賜姓朱氏，屬皇

后子之。

德崖弟欲
 害帝有律
 姓者曰果
 善之而免
 不活也乾
 視心遂渡
 帝力

乙未統稱龍鳳元年十五年春正月帝規取和陽失期而元守誤
 入帝因襲有之令軍中悉還所掠士女勿後繼元兵十萬
 至拒却之子興乃以帝總和陽兵會孫德崖譏來就食帝
 不告居德崖和陽子興方啣德崖切粹視師和陽既即館
 休帝始迎謁德崖內不自安請去帝餞其前軍出子興輒
 噪起繫德崖而飲之酒前軍譁劫帝幾為所賊羈麻湖中
 倉猝子興乃釋德崖而徐達等往代帝羈湖中事得解子
 興自是怏怏不得志發病卒帝統其軍後季女事帝為惠
 妃先是劉福通杜遵道等自礪山夾河迎立韓林兒為帝
 都毫稱明玉國號宋建元龍鳳檄至以子興次子甲為都

元帥張天佑為右副元帥，帝為左副元帥，然軍中唯左副元帥進止。遂奉宋朔設位，軍出入必告。宋兵北擾元勢，張帝謀渡江，適巢湖水軍廖永安、俞廷玉、趙普勝等數十部，廷玉通海、通源、通洲，永安弟永忠、趙伯仲、弟庸、張德勝、葉昇、葉世傑、華高，以妖黨左君弼據廬州，相言納款求援，帝大喜，親率師受之。普勝中興，叛去歸天完，帝乃以衆出湖口。元中丞蠻子海牙集樓船塞馬勝河，以拒一戰，北之。會大雨決旬，舟浮溢，間達和陽。虹縣人鄧愈來附，充管軍總管，懷遠人常遇春道謁，以為先鋒。夏六月，悉衆乘風突中渚，遇春先登，元采石兵潰去。于是棄舟中流，示不返。全師壓太平路。元平章完者不花貪事。

張旭咸棄去。總管靳義投水死。儒士李習陶安率父老郊迎。帝入城。禁焚掠。斬一不義以徇。義斬死善葬之。獲元萬戶納哈出。帝曰：此木華黎孫。各為其主。留之。非情。資而遣之。改太平為府。以後路皆改府以李習知府事。置太平興國翼元帥。府諸將奉帝為大元帥。李善長為帥。府都事汪廣洋帥府令史陶安恭慕府事。衣服旌旗皆尚赤。合肥人楊璟率衆來歸。

秋九月。皇太子標生。母李賢妃。皇后以為子。冬十二月。元蠻子海牙以兵截江。斷和陽間。而民兵元帥陳瑛先衆數萬。窺太平。帝逆擊却之。擄瑛先。海牙兵解。和

陽通帝縱_○堃先_○曰惟元與我堃先偽降陰與集慶御史福壽合行反間欲單我請以舟師東擣鎮江南據溧陽可老建業帝鈞得其詐騰書折之堃先計不行乃密招致元將左哈納出里詭言與戰生得之須帝臨軍受俘帝許之而不往尋攻集慶路堃先果叛與福壽拒秦淮我師敗績郭元帥張天佑戰死堃先追襲我師溧陽之葛山鄉秦民兵百戶盧德茂私憾堃先出壯士蒙青衣詭迎狙擊堃先死衆推從子兆先為元帥帝拔蕪湖置永興翼_{元帥}是時宋韓林兒為元師所困自毫遷安豐

丙申元至正十六年春二月周士誠南破元平江路改為

宋稱龍鳳二年

隆平府都之元蠻子海牙復以兵扼江帝伏礮大破之自
是無江阻三月攻陳北先擄之令原官從征軍內疑帝令
宿衛自若下溧水再攻集慶馮國用先登敗敵於蔣山城
破福壽力竭死平章阿魯灰叅政伯家奴達里花赤達尼
達思成戰死帝皆令善葬之宋置元興達察翼元帥府以廖
永安填之趙忠為興國翼元帥守太平得儒士夏煜孫炎
楊憲等十餘人以次任用奉改集慶路為應天府都之元將
康茂才尋朝佐許成等各以其衆來歸凡得軍民五十餘
萬始以徐達為大將一軍法攻鎮江拔之元平章定定守
將段武戰死號令肅城中不知有兵奉改鎮江路為江淮府

置淮興翼元帥以徐達湯和為統軍元帥復置秦淮翼元帥俞通海領之帝親迓者儒秦從龍於龍江咨訪密從龍言陳遇并禮致之從龍遇必不受官帝不強夏四月克金壇周困宜興耿君用援之必戰死子炳文代領其衆命楊憲通好於周周留憲不返六月克廣德路改奉為廣興府置翼元帥府鄭愈邵成統之置行樞密院於太平以花雲為院判降將陳保保叛歸周帝奪徐達以下各一官馳嚴諭

秋七月諸將奉帝為吳國公設官屬以元御史臺為吳國府置江南行中書省帝兼總省事置江南行樞密院以湯

和同僉院事會周窺鎮江徐達敗之於龍潭益兵圍常州
 擄士誠弟士德士德梟有謀周失之氣沮九月帝如江淮
 先謁孔子廟分遣儒士告諭鄉民置金山水寨以遏南北
 冬十月華雲龍王弼等敗周師於舊館士誠乃奉書修好
 請歲獻銀米犒軍帝答諭歸我使臣叛將乃解常圍復不
 報十二月周長槍元帥謝國璽寇廣興鄧愈擊走之

丁酉元至正十七年春三月耿炳文克長興改為長安州

立永興翼元帥府炳文統之三月克常州改為常春府湯

和為元帥守之遂克馬馱沙時天完倪文俊部將陳友諒

襲殺文俊并其軍自稱平章居江州壽輝不能制

夏四月、攻寧國。元守臣別不花、朱亮祖等力拒。常遇春中流矢、喪士七千人。帝乃自臨軍、攻具百道進、開門降。百戶張文貴殺妻妾自剄、生致亮祖、釋之。得軍士十餘萬。屬縣皆下。五月、周冠長興、炳文擊走之。克太興。六月、取江陰。擢吳良為分院判官。

秋七月、取常熟、尋取績溪。乘勝拔元徽州、追敗守將萬戶吳訥於白際嶺。訥自殺。改徽州路為興安府。元帥鄧愈守之。敗元楊完者援兵于城下。克休寧。九月、進攻婺源。守將江同等來降。冬十月、常遇春克天完池州。敗平章陳友諒於城下。帝閱

兵大通江命繆大亨徇揚州初元鎮南王李羅普化招青

軍元帥張明鑑協守揚州明鑑逼王反元而普化不從見

逐死明鑑遂據城殘至是以城降十二月釋輕重罪囚

戊戌元至正十八年春正月攻江陰之石碑素世傑戰歿

周守將樂瑞來降二月命吳禎副其兄良守江陰朱文忠

等取青陽石埭太平旌德等縣以康茂才為營田使三月

克元建德路後改嚴州府先是鄧愈等兵次遂安敗元上榆元

帥余子貞遷拔淳安乃抵建德守將棄城去尋元帥府以

朱文忠領之一再敗援師走楊完者

夏四月天完陷池州院判趙忠被執陳友諒遂據龍興路

夏四月天完陷池州院判趙忠被執陳友諒遂據龍興路

盡躡郡縣六月取婺之浦江復義民鄭氏家周犯常熟廖永安敗之福山港

秋七月又追敗之通州八月周殺楊完者其屬同僉員成納款使朱文忠撫其衆三萬於桐廬

冬十月胡大海取蘭溪遂闢越元帥府進攻婺州不下十

一月帝親詣婺軍道徽州十二月召儒士康仲實姚達等

論時務問民疾苦以前學正朱升參預帷幄時元恭政石

抹且孫與恭謀胡深章溢守婺造獅子車拒戰帝曰車非

地宜出精兵擣之廉訪使楊惠達魯花赤僧住皆戰死同

食寧安慶以婺城降改寧越府後改金華乃置中書分省

於寧越以儒生王緯等為掾使立金華翼元帥府袁貴統
 之延儒士王宗顯為知府辟隱逸范祖幹葉儀等會食首
 中曰令二人直講經史帝嘗曰攻城雖用武安民必以仁
 吾每聞一城下不妄戮無辜為數日喜選寧越七縣富民
 子弟宿衛號曰御中軍民間女曾氏妄言能通天文倡談
 禍福衆惑帝以為女妖戮於市下令禁酒先是徐達等圍
 宜興不破帝諭達截太湖周餉道一鼓下之廖永安深入
 為所擄士誠欲降之不屈被囚以揚國興守宜興置晉領
 民兵萬戶府示寓兵於農之意

己亥元至正十九年春正月平章邵榮破周兵於餘杭方

國真獻金幣以書報之胡大海克周諸暨改為諸全州尋
呂珍來援以水灌其軍珍窮請成縱之去始設儒學於寧
越府立五經師以葉儀宋漁填之遂有學正訓導等官喪
亂既久始聞絃誦之聲儒士許瑗王冕入見留官之二月
周再犯江陰吳良以計敗走之擄陶元帥以下二百人三
月宥獄囚邵崇攻周湖州不利再敗周援師李伯昇走之
自是周屢犯常州建德宜興婺源皆不利去方國真來降
以次子開為質帝厚賜遣之授國真官天完趙普勝寇太
平敗去遂復池州
夏四月立樞密分院於寧越亦常遇春守之五月賜寧越

節婦松氏米五石。六月，周寇諸全、胡大海救却之。帳前親軍都指揮使馮國用卒，弟國勝掌其軍。帝還應天。

秋八月，取無為州。九月，帝使人間趙普勝於友諒。友諒果疑普勝，誘殺之。自是安慶無勁敵。我師克潛山，常遇春攻衢州。嚴元伯頽不花百計拒守，力窮。院判張斌私遣使納降。總管馮浩赴水死。改衢州為龍游府。

冬十月，俞廷玉卒。安慶軍中十一月，胡大海攻元處州。胡深守元龍泉，籌石抹。宜孫必敗，間道來歸。言處州內弱，請急攻之。城破，葉琛、章溢、潛達、寧七邑皆下。宜孫走死。帝念其忠，命葬祭之。改處州為安南府。時徐壽輝巡江州，陳友

諒執而幽之自稱漢王天完將明玉真西據成都絕漢

庚子

元至正二十年

春正月元福寧州守臣袁天祿進請

款手書勞之

三月改淮興翼為江南分樞密院宋濂章溢

葉琛劉基並以薦起署濂江南儒學提舉世子受經溢琛

並為營田司僉事基留帷幄預機密

夏四月皇第四子棣生母碩妃皇后以為子是為太子文

皇帝五月漢友諒犯池州帝命設伏九華山邀其情大破

之俘三千人將軍遇春俘十之九帝不悅盡逐其餘俘閩

五月漢陷我太平守將花雲朱文遜院判王鼎知府許瑗

咸死之於是友諒弒壽輝於采石舟中即五通廟為行殿

稱皇帝國號漢改元大義約周士誠共蹴金陵金陵大震
諸獻策帝皆不可劉基獨請決戰帝乃馳諭胡大海擣信
州以牽其後以康茂才友諒舊識使為反間速漢兵來預
設伏以待之友諒果至中伏大敗別舸遁去復太平以降
將張志雄策急乘虛下安慶大海亦下信州奉改為廣信府
置龍虎翼元帥府以葛俊統之故天完舊將歐普祥以表
州降友諒遣弟友仁爭之一戰獲友仁尋與漢平友仁歸

漢

秋七月故天完將于光等擊走漢辛同去以饒州來附帝
命鄧愈徃鎮之遣千戶王士贊音金入燕都鈎察元政時

察罕帖木兒及李思齊皆起義兵討賊察罕知兵連破汴梁走宋林兒安豐山西秦隴皆平屯兵太行分鎮要害故有是遣九月諸全守將袁寶禦周師戰死周復犯長興初戰不利炳文以勁兵統之大敗去故夫完將素國公歐青祥來降漢將張定邊復陷安慶守將趙伯仲棄師歸帝賜以死錄其弟庸食行樞密院事

冬十二月權酒醋

辛丑

元至正二十一年

春正月朔中書省猶設明玉座率

文武朝賀劉基獨瞪目不拜密陳天命所在帝悟已之議立益茶法鑄大中通寶錢二月改樞密院為大都督府以

兄○子○文○正○為○大○都○督○節○制○中○外○諸○軍○事○元○泗○州○守○將○薛○顯
以○城○降○方○國○真○歸○馬○以○金○貝○來○獻○帝○却○之○以○胡○大○海○為○江
西○行○省○叅○知○政○事○守○金○華

夏○六○月○漢○李○明○道○寇○廣○信○守○將○吳○德○濟○檄○大○海○夾○擊○大○破
之○據○明○道○及○宣○慰○王○漢○二○釋○官○之○漢○二○諷○其○兄○王○溥○以○建
昌○來○降○溥○復○獻○南○豐○臨○川○等○縣

秋○七○月○賞○叅○軍○宋○思○顏○直○言○八○月○帝○親○督○諸○將○來○風○遡○流
直○指○安○慶○破○其○水○寨○以○劉○基○策○釋○安○慶○竟○走○江○州○至○小○孤
漢○將○丁○普○即○迎○降○不○及○江○州○五○里○友○諒○始○知○之○倉○皇○夜○率
妻○子○奔○武○昌○遂○克○江○州○漢○溥○友○德○以○所○部○降○乘○勝○拔○蘄○黃

興國黃梅廣濟等處。旋師下安慶。九月，以陶安為黃州知府。

冬十一月，命平章吳宏取漢撫州。守將鄧克明詣僉院，鄧愈偽請臨其地受降，愈庶其詐，間道襲之，下其城。十二月，漢江西行省丞相胡廷瑞以龍興降，多所要挾，帝以劉基徵示，輒許之。廷瑞卒降。

壬寅

元至正二十二年
宋稱龍鳳八年

春正月，帝發九江，如龍興，存恤孤

寡，縱鹿西山，築臺龍沙之上。集父老慰諭，悉謁孔子廟，宴

滕王閣，令諸臣橫樂賦詩。改龍興路為洪都府。

後改南昌

葉琛

知府事，以鄧愈為江西行省中書叅知政事，鎮之。遠近降

帥伏謁。皆仍故官。袁瑞臨江吉安等處。皆下。二月。金華降。苗元帥蔣英劉震作亂。殺叅政胡大海。及其子闡住。郎中王愷等。元帥朱文忠馳兵救之。賊棄去。降周士誠。乘變。令弟士信。盛兵圍諸全。急守將謝再興力禦。胡德濟以廣信兵往援。大敗去。時處州苗將李佑之。賀仁德亦叛。殺院判耿再成。總制孫炎。知府王道同等。文忠移屯縉雲。檄邵榮等討平之。三月。明玉珍稱帝於重慶。國號夏。改元天統。先是降臣胡廷瑞密告帝。所部祝宇康泰中貳。帝令從征武昌。至是果半道反。兵劫洪都門。開鄧愈倉。猝走。知府葉琛。都事萬思誠。被害。

夏四月、檄徐達還定洪都。祝宗走新塗、被殺。獲康泰、以達
瑞甥故宥不殺。五月、命大都督文正、統元帥趙德勝、參政
鄧愈、鎮洪都。漢熊天瑞寇吉安、擊殺守將孫本立。城陷、旋
復之。是月、帝投書元平章蔡罕帖木兒、我使被留不遣、元
陳友定起義師、復汀州。六月、宋田豐、王士誠降元、旋叛、刺
殺蔡罕元君臣震悼。帝亦長嘆曰：天下無人矣。元以其甥
擴廓代領其衆。一名保保
秋七月、平章邵榮、參政趙繼祖謀反、伏卒伺帝。帝他道還、
涕泣置榮繼祖極刑。八月、漢熊天瑞復陷吉安、旋又復之。
冬十月、討叛將羅友仁於池州。十二月、獲元戶部尚書張

昶授以官。擴廓致書獻馬歸我使臣。安豐人曹良臣及韓政、武率衆來附。

癸卯元至正二十三年

春正月、報書擴廓。二月、都昌盜江

爵、藥漢入寇。殺理問穆癸、陷饒州。討定之。周呂珍以衆十

萬圍安豐。劉福通間道求援。劉基請弗應。帝必援之。未至

而城破。福通死。帝敗呂珍兵。以明王林兒歸。有司請設御

座中書省。劉基不可。帝然之。三月、以廬州左君弼初援珍、

遂移兵圍之。久不下。寬處州鹽稅二十取一。

夏四月、諸全守將謝再興殺知州樂鳳、叛降周。以周師寇

東陽。朱文忠疾擣賊於義烏。走之。郎中胡濙請築城五指。

山下。還周衝不旬日。城完。周李伯昇以師十六萬突城下。不利去。五月。漢友諒空國六十萬圍洪都。連陷臨江吉安。無為州。氣銳甚。以所獲守將劉齊朱叔華同知趙天麟等。狗城下。知州童曾不屈。沈於江。衆寡懸。大都督文正等不為懼。城守力。元帥趙德勝。弩洞漢將金指揮。薛顯突門殺漢平章劉進。擄其副將趙祥。百計破攻具。六月。德勝巡城中。弩死院判李繼先。元帥牛海龍。趙國旺等。咸戰死。殺傷過當。被圍八十餘日。不下。間道請援。帝始悔安豐之無。使漢兵乘虛順流。直指建業。事去矣。疾解廬圍。秋七月。親督舟師二十萬。援洪都。先扼江口。遇賊鄱陽盪。

其前鋒猝命徐達還守金陵。逡巡戰不利。帝舟膠。幾為所及。時漢兵連舟為陣。用郭興計。火攻之。友諒弟友仁、友貴及平章陳普略皆焚死。相持不決。帝馳書責之。友諒不答。俞通海進策。願縱敵入江。我師壓上流。可以得志。劉基亦以金木相犯。日決勝。八月。漢糧竭。果出湖口。擊中流。友諒中流矢死。擒其太子善兒。漢將張定邊復奉子理奔武昌。稱帝。改元德壽。是役也。將臣死敵者三十六人。韓成、丁普宗貴、陳兆先、余景、昌文、貴、王即張志雄勝、李信、程國勝、姜潤、曹仁等。後皆追進封爵。祠康、郎山亦祠。趙德勝、葉琛、張子明等十四人於南昌。九月。帝還京。冬十月。帝親征武昌。諭徐達固長圍。勿與戰。是月。周士誠

自立為帝改國號曰吳治宮殿設官屬十二月帝坐西苑

諭諸將兵灑

甲辰元至正二十四年春正月李善長率諸臣勸進一再

不允乃奉帝為吳王凡詔令猶稱龍鳳某年月日皇帝聖

旨吳王金旨云云以李善長為右相國徐達為左相國常

遇春俞通海為平章政事帝鑒元政不舉諭諸臣以大振

紀綱為要減收官店錢二月復臨武昌軍陳理啣壁內袒

降帝令慰友諒父母封理歸德侯漢沔荆岳皆降立湖廣

行中書省以楊璟叅知政事三月改各翼元帥府及樞密

院俱為親軍十七衛指揮使司改各總管府為千戶所立

部伍法禁功臣家僮僕驕肆定商稅三十取一。行省以故漢友諒鏤刻龍林進立殿。命舉人才以劉基為太史。全進師克廬州走左君弼遂置行省於廬州以俞通海攝之。夏四月命中書進宗廟薦新禮儀。六月溪洞長官向思明等納故印請更賜仍其官。

秋七月常遇春等討江西上流未附州郡徐達按行湖湘等處八月減省掾受賄死罪。塑功臣像於平壺及蔣子文廟。故漢平章姜旺以江陵降改為荊州府。夷陵潭州歸州皆下。圍漢將熊天瑞於贛州。

冬十月以廖永安陷周不屈。遂授平章楚國公。宋濂魏觀

烏左右起居注吳士信侵長興耿炳文會湯和擊却之十
一月置湖廣道提刑按察使司以章溢為僉事十二月克
辰州衡州裁宣課司一十六處置拱衛司統領較尉方氏
明善以兵犯平陽胡浚擊走之

乙巳

元至正二十五年
宋稱龍鳳十一年

春正月克贛州熊元瑞降徐達取

寶慶路常遇春兵至南安韶州南雄諸郡皆下湯和破永
新山寨七十餘處鄧愈還軍討故漢饒昂臣於安福破走
之二月兵以衆二十萬圍諸全朱文忠走援大敗心元陳
友定侵處州胡深邀擊敗去遂下浦城按察使李欽冰條
大都督朱文正驕暴帝親往徵還免官安置桐城

夏四月、胡深克松溪。五月、常遇春取安陸、襄陽、留鄧愈鎮襄陽。六月、諭民栽桑、麻、木綿。朱亮祖克崇安、進攻建寧。胡深被執、遇害。故漢左丞周文貴、寇辰溪、旋寇辰州、破走之。秋七月、元思州宣撫使田仁厚來獻鎮遠、吉安軍民二府。婺州功水常寧等十縣、龍泉、瑞溪、沿_河等二十四州、進仁厚宣慰使沅陵盜向八珍作亂、討平之。九月、置國子學於應天。設博士等官。明玉真遣使通好。冬十月、規取淮東、命徐達進攻泰州。士誠以舟師疑范滂港、帝手諭大將軍勿輕動。遂克泰州。給所俘衣糧。完其妻子。戊寅辰。閏十月、信州盜蕭明寇婺源。知州白源懷印赴

水死旋破平之十一月進攻高郵帝復諭達勿濇還軍

泰州而以馮國勝節制高郵諸軍吳大寇宜興召徐達還

援復圍高郵吳援不進復克安吉為守將費子賢所敗

丙午元至正二十六年春正月置兩淮轉運鹽使司吳以

舟師窺江陰帝臨江陰寇退康茂才追敗之浮子門二月

夏明玉真卒子昇嗣立改元開熙來聘使叅政蔡哲往報

之哲圖其山川險易以獻美容宣撫司田光寶來降三月

禁種秫下中書嚴選舉之令馮國勝中高郵間失士千人

帝怒撻之令立功自贖國勝憤一鼓破高郵

夏四月攻淮安吳右丞梅思祖以城降并獻泗州時李濟

為吳守濠州。帝曰：吾有國而無家，柰何？以書招之，不報。及淮平，濟以城降。徐宿二州亦下。帝幸濠州省陵墓，宴諸父老。諭以孝弟力田勤儉為本。尋破安豐，元將左真、竹君弼出走，獲忻都，復敗擴廓，援兵於徐州。取興化，命劉基、王禕定常賦國計。五月，招集流亡，訪求遺書。語詹同日。孔子節用愛人，使民以時。二語治國良謨，莫過是矣。

秋七月，平章楚國公廖永安卒於吳。帝親為文祭之，肖像功臣廟。八月，以徐達為大將軍，常遇春副之，率師二十萬征吳。諭以勿殘掠，勿發丘隴，毀廬舍，聞士誠母葬姑蘄城外，善護之。師先吳興，攻德清。五太子及呂珍、朱暹等以舊

館六萬人降。進逼吳興城下。守將李伯昇及左丞張天驥開門降。九月，湘鄉賊易華叛，討平之。漢周文貴復掠辰州。守將楊璟擊走之。

冬十月，送所獲元平章王昉、長壽、燕、朱文忠進攻杭州。吳平章潘原明詣軍門納降，仍原明湖江行省平章。獲蔣英、劉震，伏誅。吳李思忠以紹興降。宋興以嘉興降。十一月，開省杭州，以右丞朱文忠為平章，守之。復姓李氏，進逼姑蘇。士誠出戰，屢敗。築長圍以困之。指揮茅成攻委門，中矢卒。追封東海郡公。十二月，左丞廖永忠、擢宋明王、韓林兒、瓜步死。以明年為吳元年，立宗廟。及圍丘方澤、二壇、營宮。

殿尚朴素。命博士熊鼎類書古鑒戒於左右殿壁。又書大學衍義於西廡。勅協律郎冷謙考正雅樂。定樂章聲譜及樂器。禁箋文誦美之詞。永寧賦饒壹等平。

丁未吳元年元至正二十七年春正月。賜元擴廓書。先是使臣汪

河被留不遣。至是復與書諭。以內和諸將外睦四隣。毋啓

兵端。不報。時有托為太白神者言吳王當一天下。太祖以

其說令旨諸涉怪誕者勿以聞。免租太平二年應天及鎮江寧國廣德各一年

日吾筭在軍空。腹戰歸進粗糲如飴。此尚食如是。敢忘吾

民。二月元擴廓侵徐州。傅友德擊走之。時左君弼保陳州。

令旨歸其母。以書致意。君弼涕泣就款。置兩湖都轉運監。

司於杭州。三月，定文武取士之法。湖廣慈水思沅等處宣撫安撫諸司皆內附。平章俞通海中流矢，創甚。太祖親視之。及卒，追封魏國公，侑享太廟，肖像功臣廟。

夏四月，上海民錢鶴皋作亂，其黨施仁濟流劫嘉興，討平之。諭起居注詹同、史筆宜直書，無隱。五月，初置翰林院。以陶安為學士，朱升為侍講學士。知制誥燕修國史，免租。徐

襄陽濠泗安陸各免二年。六月，不雨，帝減膳，蔬食自咎。而諸臣皆勸進。帝曰：「漢友諒方有一隅，妄自大。卒用敗滅，為天下笑。終不知定朝賀不用如樂中書，恭議李飲冰，楊希聖，請詐擅威福。帝令點其面，直書所犯罪之。忝知政事故元張昺逆謀。」

露伏誅

秋七月、以雷震宮門、得石斧、出負、駕前、臨朝、置几案、祇天
戒、爰赦中外罪囚。八月、有吏、駐敗、赴井死、上作戒曰、漁利
不如其愛身也。帝祀山川畢、諭世子勿盈滿、勿怠荒、令步
歸。九月、太廟成、諭中書省、除大逆不道、免連坐、圍吳踰年、
降將李伯升說士誠歸命、士誠不從、每背城敗去、時士信
督戰城樓、中礮死、大將軍達破葑門、遇春亦破閭門、新寨、
吳樞密唐傑投兵降、士誠尚率餘衆巷戰、不勝、歸自經、伯
昇決戶脫之、反覆諭降、不答、獲官吏及將士家屬、併各郡
流寓、可二十餘萬、檻士誠、建康、太祖欲生之、語不恭、賜死。

改平江路為蘄州府。送元宗室神保黑漢等九人歸燕。論
平吳功，封李善長宣國公。徐達信國公，常遇春鄂國公。餘
進爵有差。朱亮祖克台州，進黃巖。方明善遁去，旋克溫州。
冬十月，令百官禮儀皆尚左。遣起居注吳琳、魏觀等幣求
遺賢。徙蘄州富民賈濠、梁嘉元死，葬安慶。右丞余闕、江州
總管李黼，令肖像祀之。置御史臺各道按察使。湯和、鄧愈
為左右御史大夫，劉基、章溢為御史中丞。基仍兼太史院
以湯和為征南將軍，責方國真、貝諾、國真懼遁入海。走其
弟國瑛於盤嶼，命徐達為征南大將軍，常遇春副之。北取
中原，自山東始。胡廷瑞為征南將軍，何文輝副之。南取福

建平章楊璟左丞周德興叅政張斌等取廣西馳檄齊魯
河洛燕薊秦晉之民諭以安輯至意十一月詳定律令上
曰立法貴簡當使條緒繁多一事而兩端互輕重是戢暴
反以賊良未善頌戊申曆大將軍達斡沂州叛將王宣下
其城朱亮祖敗方明善於樂清追至海口復命廖永忠為
征南副將軍從海道會湯和窮討國真國瑛先降隨遣子
明善奉表內款改慶元為明州府浙東平大將達克嶧州
青州等路隨取濟南膠州胡廷瑞渡杉關下先澤定邵武
十二月帝視圖立諭世子以農業艱難宜體恤民隱勿怠
衍聖公孔希學率曲阜縣尹孔希章鄒縣簿孟思諒等詣

軍門降兗州以東諸郡縣皆附。大將軍自濟南還益都。取
登萊諸郡。而湯和廖永忠自明州海道趨福州。克之。蒲臺
氏後芻粟當死。其子乞代。上以孝。并宥其父。上寢夢神人
以玉加頂。遂成隆骨左相國李善長。復率群臣勸進。許之。
洪武元年戊申春正月四日乙亥。即皇帝位。國號大明。建
元洪武。告天。下定誥。首日。奉天承運。追尊四代。皆為帝后。
皇伯考。皇兄。皆為王。從凡而下十一王。配皆夫人。冊妃馬
氏為皇后。立卅子。標為皇太子。李善長徐達左右相國。如
故。兼東宮官。餘進爵有差。自舊內遷新宮。頒大明令於天
下。製傳國之寶。革元故俗。衣服言衣冠如唐制。定衛所有事。

征伐則詔總兵官佩將軍印領之事。既上印，朝官陛辭。陳戒諭著為令。立善世及玄教二院僧慧曇、道士經善、悅分領二氏之教。二月上，親祭大社、大稷。將軍湯和、廖永忠取延平。元將陳友定退省堂，啣藥、叅政文殊、海牙開門降。友定復甦，賜胡深子禎，嚮其內祭父湯和，傳檄至漳州。元達魯花赤迭里迷實自焚於室。漳州下，胡廷美即廷瑞以避諱改取建寧、汀州、泉州，相繼降附。福建志：平置行省，旋命廖永忠為征南將軍，朱亮祖副之。由福州海道指廣東，別勅贛州衛指揮使陸仲亨由韶州入，協力攻取。永忠師至潮州。元分省左丞何真奉表歸附。諸郡縣皆下。仲亨畧定英德、清

遠連州肇慶等處。進攻德慶。守將張鵬程棄城去。廣東悉
平。置行省。楊璟進兵慶遠。周文貴復遁。下其城。全州武岡
常寧以次降。尋克永州。守將鄧祖勝啣藥死。勅都督康茂
才益兵山東。助大將軍達。副將軍常遇春克東昌。元平章
申榮投繯死。山東悉平。置行省。免其今年稅糧。三月。詰責
臺臣。久不進諫。議役法。名曰均工。不急之務。悉罷之。選國
子生侍讀。太子禁中。新除。守令厚賜之。名養廉。命儒臣修
女誡。有諭。皇后雖母儀天下。不得預政事。內嬖之惑。甚於
鳩毒。其條古賢妃事蹟。成書以聞。大將軍達克河西。元梁
王阿魯溫降。尋下汴梁。乘勝克陝州。入潼關。李思齊奔鳳

陽華州下。調郭興守潼關。命湯和還督造海船。餉北征軍。近臣請開銀鑛。不聽。起元廢。臣用之不願者。聽以太牢祀三皇。亦祀孔子太學。遣祭仁祖陵。

夏四月、鄧愈下淮漢迤北未附州縣。獨裕州最後服。河南悉平。五月、駕幸汴梁。改開封府置中書省於河南。楊璟署省事。命皇太子攝享太廟。叛民蘭秀、陷象山縣。縣民蔣公直等起義討叛。平之。賜金。畫古孝行及身所歷艱難。起家戰伐之事。為圖以示子孫。蘄州獻竹箒。以不奉命却之。詔天下非朝廷所需。勿進。黜御史妄言者。芴太廟祭器。以金分塗。訪求應祀神祇。及忠烈。常有勲勞於國者。遣祭。故元

忠臣蔡罕帖木兒

六月指揮沐英

英復姓

調守建寧命

廖永忠朱亮祖協取廣西梧州潯貴鬱林皆下進克橫州
次南寧象州賓州亦附廣西悉平置行省

秋七月左右江土官黃英衍岑伯顏等以族降帝親畫北
征陣圖賜大將^單達諭以慎勿殘掠獲元宗戚必善待之北
適勿寤追遣使賑恤中原老稚孤貧者海南民閔敏起義
兵討賊馮簡被殺贈官為立祠帶刀舍人周宗請天下郡
縣皆立學從之以馮勝為右副將軍守汴梁帝還京改天
師張正常為真人閏七月徐達等渡河連取彰德廣平趙
州守將咸棄城去得船八千餘艘遂下磁州進攻臨清克

平濟南之叛。檄諸將馬步舟師大會城下。議攻元都。大將軍取德州。克長蘆。造浮橋濟師。元丞相也速望風遁。元主大懼。議北奔。左丞相失烈門。知樞密院事黑廝等請固守。不聽。令淮王帖木兒不花監國。丞相慶童留守。夜半開門走上都。八月。大將軍攻齊化門。門開。執淮王慶童。平章迭兒左丞丁敬等戮之。捷表至。御殿受賀。改元都為北平府。置北平行省。徵元故臣入京師。放元宮人。立燕山六衛。京師天鳴大赦天下。與民更始。時議定都。以汴梁為北京。故元留守迭里迷失叛於玉田。董含怡等作亂于溫州。咸討平之。設六部官職。下詔求賢。乘輿服御。故以金者銅代。

之。九月，江西行省叅政陶安卒，帝親為文致祭，追封姑熟郡公。以湯和為偏將軍，與右副將軍馮勝、平章楊璟從大將軍達西征，達以勝兵，令湯和等狗下保定、中山、真定等處，進取澤潞絳三州。

冬十月，定誣告謀逆者律反坐。元兵攻潼關，擊却之，定正旦朝賀儀。十一月庚子，祀園丘，先是告於太廟，以功業未成，上天示戒，未敢奉配，事畢，行慶成禮，復申革俗之禁，鄧愈討蜀之莽，張獲之，悉定金商均房等州。汪河使元六載始歸，授吏部侍郎，勅有司遇災異，據實飛奏，定議宗廟郊社毋攝屋兩壇，以便望祭，以孔希學襲封衍聖公，希大為

曲阜縣令。世襲。仍立三氏教授。十二月。以汪廣洋劉惟敬為中書。楊憲為御史中丞。置登聞鼓。午門外。直御史監視。定官民冠婚禮。及喪制。禁元宴樂。娛尸故事。擴廓援師自太原東出。大將軍達賚其不備。擴廓還救。夜擊之。驚潰。跳遂克太原。平陽等路皆下。分兵邀擊。賀宗哲於石州上。諭武臣創業艱難。君臣相保至意。孟州復叛。討平之。旌節婦孝子。

洪武二年春正月。封京都及天下城隍之神。召元舊臣馬翼問元政得失。翼曰。元以寬得之。亦以寬失之。帝曰。元失縱弛。非寬也。古無紀綱。不立而治者。以功臣配享太廟。大胡

海耿再成。趙德勝、廖永安。製四代祖妣冠服。祭告焚之。免。

俞通海、張德勝、秦世傑。置河間長蘆。河東、陝西及福建都轉運。

祖。江以北。應天、太平、鎮江、三府。置河間長蘆。河東、陝西及福建都轉運。

鹽司。祭馬祖於後湖。二月。詔修元史。耕籍田。皇后率命婦。

蚕於北郊。改仁祖英陵為皇陵。台上海。秦裕伯與語學術。

曰。聖人之學。當以天為準。賢人之學。以聖為則。毋局于小。

母拘於凡近。嘗讀易。至聖人養賢以及萬民。語侍臣曰。養

賢非難。知之為難。元右丞也。速侵通州。平章曹良臣擊走。

之。定唐州兵亂。三月。以久旱。祭告皇考妣。為草具。宮中者。

旬日。大將軍達自鹿臺入奉元路。元西臺御史秦哥失里。

郎中汪可。檢校阿失不花。三原知縣朱春。皆自殺。兵臨鳳。

翔守將李思齊奔臨洮。

夏四月，狗臨洮，思齊降。己而慶陽亦下。襲開城，走元豫王。征蘭州，克之。陝西悉平。置行省，免新附郡縣稅糧。詔博士孔克仁等授諸子經功。臣子弟皆令就學。擢御史臺經歷劉希魯為刑部尚書。許元故臣薦訪僉事李文煥歸故里。元納哈出擾邊，賜以書，議曆法。五月，編祖訓錄，定封建諸王國邑及官屬之制。寶燭縣獻瑞麥，帝曰：「人主以三光平寒暑，時五穀熟，人民育，為瑞。惟德不惟物。」祭蘭山，壓死軍士，倭寇海上，指揮僉事翁德大破之。御史中丞章溢卒，帝親為文祭之。六月，元也速復侵通州。常遇春協李文忠追

敗其將江文清於錦州。進破開平。元主復奔。追至北海。攻
大興。設伏大破之。

秋七月。副將軍常遇春還師柳河州。疾卒。帝震悼。罷朝。親
為文。迓祭龍江。追封開平王。謚忠武。配享太廟。肖像功臣
廟。位皆第二。長子茂。封鄭國公。次昇。開國公。太廟祭器。成
帝諭禮官。禮緣人情。取今時所習。用勿拘。古大祀七日戒。
著為令。定內侍諸司官制。備使令外。無所預。封安南陳日
燿為國王。元攻大同急。李文忠便宜往援。擒元將脫列伯。
追孔興東勝州。不見鹵而還。元主遂無復南意。占城國王
阿荅阿者。遣使朝賀。八月。封高麗王頡為國王。帝以朝賀。

山呼太侈。改之。尋聲應不一。仍其舊。祠功臣。雖龍山。後改雜鳴
祀徐達等二十一人。死者肖像。生者虛其位。文臣歿。王事
者附祭。倭寇淮安。鎮撫吳祐擊敗之。賜元主書。諭以順天
存祀。故元總制賀宗哲攻鳳翔。守將金興旺禦却之。行鄉
飲讀法之令。千戶吳朝宗賄敗當死。以獨子。減論終。養元
擴廓犯蘭州。執指揮于光。令給門。光諾。至門露之。守益固。
擴廓怒斬之。解圍去。九月。以臨濠為中都。定蕃王蕃臣朝
貢禮。賜故元降臣歐陽朝佐等二百餘人。冠帶在官。
冬十月。書諭蜀明昇歸命。昇幼母彭氏。丞相戴壽顯政。牽
群議不決。甘露自七月再三降。群臣屢請賀。不許。十一月。

始議郊天以仁祖配。誅逆人王昭明，釋其家屬。十二月，封
占城阿荅阿者為國王。西域僧自中印度來朝，考安南高
麗占城山川，遣官致祭。記板稱御名。
洪武三年庚戌春正月，北征。以徐達為征鹵大將軍，李文
忠、馮勝、左右副之，鄧愈、湯和又副之，分二道。大將軍搗擴
廓於定西，左副將軍攻元上都，吏部請除被戮官於僭崖
等處。帝曰：「前代僭崖化外，以處罪人。今天下一家，何忍彼
此即風俗未淳，令良吏撫之。」二月，帝行後苑，見巢鵲，卯子
惻然有感。始許群臣親老者歸，養。召江南富民入見，誡諭
賜酒食，遣之。隨頒教民榜於天下，以天下錢糧戶口籍陳

郊祀壇下。追封郭子興為滁陽王。妻張為王夫人。立廟滁
 州。歲祀之。下詔求賢。可官六部者。舉學識篤行之士。置留
 守衛指揮司。崇主門警文星。見上喜。擢中選儒士魏潛等
 十九人。皆為御史。三月免租。南直河南
 夏四月。禁蒙古色目人勿更易姓氏。就仕版。且曰。久之忘
 所自出。非聖主審重本始至意。定諸王冊封禮儀。封諸王。
 秦晉燕吳楚齊。定相傳官屬。置大宰正院。安南國王陳日
 澶趙魯靖江。燿卒。告哀帝素服臨之。五月。訪修歷代帝王諸陵。令郡縣
 設義塚。禁元俗水火葬。律嚴。後置司農使於河南。飭官闈
 之禁。皇后所需供應。必關奏。後領違者死。或以私書出外

罪如之宮嬪以下病。醫不得入宮。傳症取藥。命婦朝中宮。以時。人主無輕見外命婦禮。宮嬪不由聘採。勿受獻納。內侍謁寺燒香之禁尤嚴。設科取士。頒其式於安南高麗。占城諸彝。詔舉大射禮。通行郡縣學。祀方丘亦以仁祖配。定服色所尚。赤如漢。蘓州適糧三十餘萬。守臣失職。帝曰。罪守臣民。必益困。赦免之。六月。旱甚。帝躬自禱祈。草履徒步詣山川壇。夜藁席露坐。晝爆烈日中。皇太子持榼進農家麥。菽。針。凡三月。天為大雨。右副將軍捷至。時元主殂。其太子愛猷識里達剌遁去。文忠獲太子子買的里八剌。及宮眷諸王等。詔免獻俘。諸臣故嘗仕元者。不許稱賀。封買的

里八刺為崇禮侯。追謚元主為順帝。許本俗服色入朝。畢賜中國冠服。謝恩。子弟詔中有曰。務使飲食居室得宜。若其欲歸。遣還沙漠。指揮孫虎戰死。落馬河。追封安樂郡伯。達自潼關出西道。大戰破定西。走元擴廓。獲文武僚屬千八百餘。士馬合十三四萬。因兵威協降西蕃西北數千里。復取興元。時都督孫興祖戰死。五節口追封燕山侯。脩享太廟。肖像功臣廟。右丞胡德濟失機。械至京。帝曰。仗法軍中間外事也。使朕得見之。寧議宥。擬平定沙漠。詔頒天下語。頗侈大帝曰。元主中國百年。朕與卿等祖父食其德。興亡。天數於朕。何與。審若此。何以慰天下寤寐。其改之。徙江南。

富民於臨濠。四千戶。免其稅。三年。增廣太學生。廉其文行。兼優者。為學官。置水軍二十四衛。僧克新等三人。往西域。吐蕃。圖其山川形勢以歸。

秋七月。立碑午門外。書政令之善者。示朝臣。蜀吳友仁。寇漢中。傅友德。援走之。八月。康茂才。卒於陝州。帝震悼。追封蕪國公。侑。享太廟。肖像功臣廟。詔天下。掩遺骸。定官民房舍。服色等第。僭用者罪。陶凱。請御膳用樂。帝曰。今天下瘡痍未復。北征將士。暴露於外。正朕食不下咽之時。不許水哇鎖里。諸國朝貢。賜以教民榜。鹵寇大監池。擊敗之。九月。權厝宋諸陵遺骸於聚寶山。尋祔葬。宋穆宗陵左。先是元

總攝楊璉真伽以胡僧嗣古妙高言盡發會稽諸陵金寶
瘞其骨於杭之故宮浮圖其上又截理宗頂骨為飲器帝
惻然得飲器西僧廬中及諸骸入土

冬十月令武臣聽儒士番直說書定品官攻莖之制十一

月大封功臣公六人侯二十八人公為徐達李善長常遇春

鄧愈侯為湯和耿炳文吳良廖永忠傅友德趙肅楊璟郭

興顧時吳禎唐勝宗陸仲亨費聚周德興陳德華雲龍胡

廷瑞朱亮祖韓政俞通源康茂才子鐸王

志鄭遇春曹良臣黃彬梅思祖陸聚華高事詳班爵志並

賜鐵券世襲李善長賜號開國輔運推誠守正文臣徐達

而下開國輔運推誠宣力武臣尋文臣汪廣洋劉基皆封
伯爵爵及身止餘都督指揮有差定封已故功臣馮國用
俞通海

丁德興公四人尋又封汪興祖為東勝侯或有言其過者
朕再成封薛顯為永城侯以顯常專殺並不與世券後卒
與之諸降臣李思齊潘原明李伯昇王溥等並食平章祿
世襲指揮同知等官帝坐諸功臣華蓋殿語用兵大略曰
朕之先漢知士誠無遠圖若使力困姑蘓漢空國順流而
下左右扼矣嗣或勸朕盪平群寇乃取元都或云直取燕
冀皆非朕意師自山東次及河洛先聲既震幽薊自傾且
朕親駐大梁使潼關以內張思道李思齊王保保等望絕
勢窮以是不勞而克倘元都不破人望未絕三子負隅勝
負未可決也至於閩廣傳檄而定區區已蜀何足介意達

等頓首謝。十二月，省臣請徙降鹵內地，不許。故元王子失
 蕉兒及國舅駙馬等來降，賜策宅京師，建奉先殿，鑄齋戒
 銅人，令天下郡縣祭無祀鬼神，勿濫致書元太子，告以謚
 順帝封崇禮厚意。

洪武四年辛亥春正月，詔春秋祭歷代帝王於陵寢，定三

十五位。尋裁魏文帝、隨高祖、宋理宗三位，元祖不預。詳禮志。太師李善長致仕，陞右

丞汪廣洋為左丞相，胡惟庸為右丞，詔伐夏，以中山侯湯

和為征西將軍，同楊璟、廖永忠、周德興、曹良臣等，舟師繇

瞿塘趨重慶，傅友德為征南前將軍，同顧時、陳德、汪興祖

繇秦隴趨成都，定王國宗廟社稷壇壝之制，刊行憲綱四

十條。斬人徐麟。知河南府。乞終養。帝令改知蘄州。便之。定文武官歲俸。給官官月米。不得言俸。廣德侯華高卒。追封巢國公。侑享太廟。肖像功臣廟。二月。故元平章劉益奉遼陽地圖來降。尋為洪保保所殺。元右丞張文佐等執逆人以獻。始策貢士俞友仁等於奉天殿。賜吳伯宗等及策出身。同出身有差。時高麗入試。金濤登第。授官。三月。罷司農官。定命婦封號。復以朱亮祖為征南右副將軍。助伐蜀。定武官襲職。本姓絕。妻女家屬亦得嗣。廷臣再請進膳用樂。復不許。閏二月。徵天下隱逸。及下第者。給傳至京。

夏四月。祠故元御史大夫福壽。以李守道。啓同。為吏部尚

書五月、製武臣金銀牌。又製軍中調發符牌、鑄連司銅板。即日立大祀壇廟於中都。六月、蜀師捷至。先是楊璟攻瞿塘不利。湯和克歸州諸山寨。而傅友德之由秦隴入者、連克階文綿三州。汪興祖死之。己文州復陷。復取之。夏守將朱顯忠戰死。友德進抵漢州。流木牌數千報瞿將士克三州。日月蜀人胆落。夏分瞿塘師還援漢州。疾敗之。漢州下圍成都。帝手書怯中山侯。於是廖永忠密間道崖石中舁舟出上流。破夔州。師抵重慶。明昇詣軍門降。時成都亦下詔封昇歸義侯。免其叩頭伏罪。賜第京師。獨夏將丁世真不下。尋為其士卒所殺。來請賞。帝曰。殺奪官非義。不許。旋

克保寧執吳友仁伏誅四川悉平置行省次蜀功傳友德
為最廖永忠次之湯和等皆不賞以汪興祖死國沒東勝
侯世襲以上後民十九萬六千餘內徙給糧入籍遺書納
哈出以馬雲葉旺為都指揮使鎮遼東

秋八月濠泥國王馬漠沙遣使朝貢九月冊故元太傅王
保保女弟為秦王妃暹羅國王參烈昭毘牙三佛齊國王
哈喇禮八刺十各遣使朝貢使同知趙秩騰諭日本國王
良謨良謨乃遣使朝賀福州縣征稅多侵漁至是料民田
多者為糧長督率鄉賦以萬戶為準

冬十一月真臘鎖里二國入貢令楊威性招諭琉球十二

月詔鄉試舉人悉免會試聽吏部銓用隸故方氏船戶凡十一萬一千餘人於各衛嚴出海之禁故元施南宣慰使單大勝來降貯茶易馬貴州衛初屬湖廣至是改屬四川洪武五年壬子春正月設王府三護衛凡軍民罪責海南者令鳳陽屯田元遺孽梁王把匝剌瓦密兒負固雲南侍制王禕奉命馳諭徙歸德侯陳理歸義侯明昇於高麗詔北征以魏國公達為征鹵大將軍湯和等副之從中路由大同趨和林曹國公文忠為征鹵前將軍顧時韓政曹良臣副之出東路攻上都宋國公勝為征西大將軍傅友德陳德副之從西路攻甘肅各五萬騎時大將軍達入沙漠

糧不繼，遂湯和戰，斷頭山不利，指揮同知章存道死之。師不進，獨征西將軍勝大捷，別力蕪山取甘肅，定亦集乃路。前將軍文忠師至哈刺莽來，鹵先遁，文忠輕兵疾進，土刺河戰，小却，全軍而還，傾時別道，糧盡，士卒饑不起，時獨厲獲其輜重，還宣寧侯曹良臣，深入阿魯渾河戰，歿，追封安國公，肖像功臣廟，是役也，賞不行。二月，臨濠府災，凡一家父子兄弟從軍者，免其父兄。府州縣建申明亭，陳戒諭，置四州都轉，鹽運司，及秦州茶馬司，已茶十，取其一，安南朝貢，以署特異，却之。三月，都督藍玉擊擴廓，敗之，許高麗國子弟就太學讀書。

夏四月命灌頂國師仍舊號。拈撫朵耳等處。衛國公愈。征散毛等三十六洞。悉平之。以旱故。令宮中咸蔬食。輒兩五月。詔民間有孝子慈孫義夫節婦志行卓異者。上聞旌門著為令。六月定宦官諸禁。選民間婦女通曉書教。願入宮者。年未二十。悉賜金遣還。定女官六尚局受事。懸朱牌鑄戒諭后妃之詞。下鈇榜戒諭公侯。立養濟院。人月米三斗薪三十斤冬夏布置遼東金蓋復三州。倭連寇海鹽寧德温州福寧及明州。指揮僉事張億陣卒。詔造船禦倭。秋八月。罷天下進貢。河南獻白兔。縱於野。征南將軍吳良平五開諸蠻二百二十二洞。平陽指揮張祥戰鹵古銅山。

被執鹵入雲內。同知黃理歿於陣。援至。解去。九月。征南副
將軍周德興討婁鳳安由等洞蠻。平之。上念驛遞艱繁。詔
非軍國重事。不許乘傳。聖壽節齋居。不受朝賀。并諭止高
麗母入使。定三年一貢。

冬十月。建公侯第宅於中都。禠犯死罪。並令輸作。旋罷工。
免租。應駉等十一月。納哈出大寇遼東。殺五千餘人。燒儲
糧十萬餘石。十二月。有司請虎餉。帝令送虎光祿寺。他禽
獸悉縱之。土蕃邀烏斯藏貢物。衛國公愈為征西大將軍。
討之。旋置烏斯藏。采井衛指揮司一。宣慰司二。遺元主書
君家待宋幼主。至為僧。尚復不免。今崇禮侯強節也。君來。

取之

洪武六年癸丑春正月。黜左丞汪廣洋為廣西叅政。二月朔日食。詔定救日禮。以桂彥良為太子正字。入侍大本堂。帝懲元廢弛。刑頗峻。彥良曰。用德則逸。用法則勞。帝回念稱彥良帝者師。詔暫停科舉。所在舉通今博古才德兼全之士。又開文華堂。肄業太學生。年少而質美者。禁教坊及天下樂戶。不得以古先帝王聖賢忠臣義士為優戲。旌龍游民。夏文昭廬四世同居一門。三節海賈進番香。阿利吉却之。歲露安南陳叔明來謝罪。詔以前王印視事。三月。設六科給事中。主彈劾。

夏四月、劉基為胡惟庸誣構、并及子璉、帝以基功高、止奪其祿、中都皇城成、隨以盱眙所獻瑞麥、薦宗廟、罷置遼陽府、縣、鹵寇武朔諸州、尋破白登縣、及蔚州、河州等處、指揮常守道等破之、天池山、斬其左丞忽都、臨江侯陳德破之、
荅、勅海子口

秋七月、命將討殘胡、八月、建歷代帝王廟於京師、更定親

族、相容、隱律、凡指揮使歿於王事者、給公田釋奠不預、祭不

頒、昨南直隸江浙二省、今年稅糧、代以棉布、給邊戍制、皇

明寶訓、編起兵以來日曆、改臨濠為中立府、徙富戶實之、

冬十月、各番僧帝師之裔、鎖南監藏等、乞名號、詔仍其故、

暹羅斛國王進表

推國王伯父唎哩哆囉祿主國事以其專詔

責之考前代設立內

正司函寇大同趨懷柔李文忠等敗之雁踏堡

村擒其將康同僉帝

以晉冀饒陽新河武邑饑命賑之輕

者免田租五石罷潞

州貢人參止其後進謂省臣曰往金華

進香未朕止之隨於

苑中開畝耘籽割獲輒

親觀之閏

十一月沿江蘆柴聽軍

民採伐裁定大明

律頒天下十二

月併僧道寺觀每府州

縣存大寺

一女人年四十以內者

不許為尼以胡寇徙撫寧

民於內地并罷瑞州開設四川

貴州土官諸司故元雲南梁王殺我使臣王禕吳雲等以

後歲旌節孝不以數

洪武七年甲寅春正月禮部尚書牛諒進歷代帝王王言

十有七三月里麻民郭買的叛其兄著沙弟路鍾

格殺叛者請賞帝以乘天倫不賞定外國遠者世一朝廣

西行中書省左丞方國珍卒

夏四月都督蘭玉等攻元興和曹國公文忠擣大寧高州

大石崖克之斬故元宗室朵朵失里擒其承旨百家奴魏

國公達獻元俘五千餘人召汪廣洋為左御史大夫給錢

民間之一產三兒者五月減蘓松嘉湖重稅早帝躬禱

之兩振蘓民饑六月召淮安侯華雲龍於定遠卒於道

西域諸國來貢倭寇膠州海州敗去

卷之三

秋七月改中立府為鳳陽府立釋氏郭傳

應奉遷考功丞靖海侯禎舟師捕倭琉球國中山王察

入貢中書平章李思齊卒妻郭氏縊死以從賜謚貞烈詔

遣崇禮侯買的里八剌北歸曰使爾有父仍令名戚里

上花帖木兒送之與其父愛猷識里達蠟書諭以順夫

歸命之意

冬十月成穆妃孫氏薨禮臣拘父在服母期年庶母無服

之舊帝新定制名孝慈錄子為父母庶子為其母皆斬哀

三年十一月納哈出復寇遼東敗去杭州軍士章憲有罪以

鹽法稱旨擢鎮撫理其事存養失所軍民有詔令知府馬

其實以名聞會居存養十二月勾方氏三州舊兵多所誣累寧海知縣王士弘上封事詔與停免群臣復賀山不受

洪武八年乙卯春正月詔赦山陽縣民代父受杖者以濟寧

侯顧時六安侯王志酣飲奪其俸詔天下立社學廣東盜

陷會同縣討斬之三月德慶疾廖永忠暴卒永忠功當封

公上以其窺伺旨意爵不進卒以獲譴稅課副使李添福

失父彥才二十年未得之請歸養帝嘉其孝許就養造

皇明寶鈔

夏四月祭告天地於中都已而帝以費遽遂罷中都役作

誠意伯劉基卒。基與胡惟庸忤，病劇，遣歸。遺表修德省刑，
祈天永命。數事。時惟庸專恣，惡禮部員外郎吳伯宗抗直，
譖黜鳳陽伯宗。上書論時政，直指惟庸罪狀，得召還。五月，
遣朱亮祖、傅友德、傅胡尋以曹國公文忠代。

秋七月，許百官父母喪，不待報即奔。改太廟之制，工有乘
危死者，與祭葬。復其家。八月，元擴廓帖木兒死。

冬十月，各都衛俱改為都指揮使司。隸大都督府。十一月，
大祀，帝詣齋宮，見甘露垂枝，採嘗之，曰：天道幽微，恃祥而
不戒，祥安必非災。著甘露說。十二月，詔糧長雖犯死罪，以
下杖之，令納銅贖罪。督糧如故。納哈出再犯遼東，守將馬

雲葉旺大破之擒驍將乃刺吾釋為鎮撫

洪武九年丙辰春正月定王國禮樂祭祀之禮冊魏國公

達女為燕王妃是為仁孝皇后二月泰安州得玉簡十有

六為宋真宗祀泰山后土文仍命瘞之三月免租山西八府及徽

秦汝

夏四月始雨日本來貢并謝罪詔火你赤為翰林蒙古編

修更姓名曰霍莊加贈戰歿功臣趙德勝等七人封號帝

責迂臣寡獻納左右對聖朝無缺政帝曰朕日綜萬幾安

能盡善五月故元國公九住寇陝西擊敗之吏部以平遙

將主簿成樂恢辦商稅署上考聞帝曰地所產有數官所

取有制。恢辦何自。其即訊之。以五星茶度日月相尅。未直言。六月改各行中書省為承宣布政使司。錄用武臣子弟之遺棄者。

秋七月。太師李善長子祺尚皇長女臨安公主。免逋租。

嘉湖三十萬故元伯顏帖木兒入寇。潁川侯友德大破之。復敗

之河州。元太尉神保來降。八月。以釋氏吳即為山東布政

司使。九月。太師善長為御史大夫。汪廣洋等所訐。赦不問。

閏九月。以災異。詔求直言。山西訓道葉居升上三事。曰分

封太侈。求治用刑太嚴。上惡其疎間骨肉。逮獄瘦死。

冬十月。徙真定民屯田鳳陽。蘄水縣民王燾七世同居。旌

其門十二月、頒建言格式、母冗、定諸司官、以九年為滿、放
故元官蔡子英、還塞北。

洪武十年丁巳春正月、高麗為故王王顥請謚、號以弒立

不許、二月、賑水災、蕪州帝觀天以為天隨、二十八宿、右旋

夏四月、以鄧愈為征西將軍、沐葵副之、討吐蕃、破諸部、川藏

掃其穴、追至崑崙而還、五月、州降為縣者十二、併縣六十、

坐戶部主事趙乾、賑濟稽緩、伏誅、遂內臣之干預外事者、

令大小政事、先啓皇太子處分、大臣更參決、以聞、

秋七月、淡巴國入貢、八月、改立園丘、合祀天地、有殿曰大

祀殿、別建社稷壇於承天門之右、選武臣子弟入國學讀

書九月轉右丞相胡惟庸為左汪廣洋為右陳寧丁玉為左右御史大夫

冬十月沐英以雲南功封西平侯世襲十一月皇第三孫允炆生是為讓皇帝衛國公鄧愈卒帝震悼進封寧河王謚武順配享太廟肖像功臣廟冬至合祀天地於奉先殿十二月置神宮監高麗五貢皆不納

洪武十一年戊午春正月詔封諸王蜀湘豫漢衛改吳為周進封中

山侯湯和為信國公三月吏部奉不次用人之論擢知府李文煥提舉費震皆戶部侍郎分考績官為三等稱職無過坐宴稱職有過立宴不稱職有過不與宴立候宴者於

門禁奏事。關白中書省。停四川茶洞獠悉宥之。

夏四月、重建皇陵、御製碑文以其實。元嗣主祖於沙漠、子脫

古思帖木兒立、詔遣使致祭。五月、免逋租。蘇松嘉祈六月、

彭亨及百花遣使朝賀。保前代未經入貢者。六十五萬

秋七月、禁戍人不得上封事。海溢賑被災者。八月、免租。天應

等六郡長興等四縣

冬十月、以梅殷為駙馬都尉、尚皇第二女寧國公主。十一

月、臨江侯陳德卒、追封杞國公。平思州田氏之亂。郡縣其

地。建貴州布政使司。十二月、詔僧宇泐等使西域、勅諭高

麗、責其挾詐及殺使人之罪。遣故元平章完者不花還沙

漢。

洪武十二年己未春正月合祀天地於南郊奉仁祖配時
天宇澄霽上悅令儒臣紀其事西平侯沐英討洮州十八
族叛蕃築城東麓山設衛守之時丁玉亦平松州蕃叛三
月卹天下孤老勅曰雨雪經旬嚴寒切骨記朕側微艱苦
歷。豈。今。重。衰。擁。閭。迺。適。忘。之。賜。幼。戶。糶。寡。益。斤。有。老。權
明州萊州余文昇董進兩知府為工兵二部尚書帝延儒臣
論治道時國子學官李思忠馬懿蹇不對坐詐譎謫之
夏四月眉縣人彭普貴作亂殺知縣顏思聖討平之五月
靖海侯吳禎卒追封海國公帝親臨奠奠肖像功臣廟以

早免北平田租。六月，論征西功，封藍玉等十人為侯。藍玉王

張龍吳復葉昇謝成張續封仇成安慶侯。

溫曹興周武金朝興

秋八月，日本使僧貢無表文，以不敬安置陝西。宋國公勝

督造周王宮殿於開封，馳諭且已，毋傷農。帝與侍臣論治

身之道曰：人之患莫大於欲，惟禮可以制之。

冬十月，朱亮祖鎮廣東，多為不法，召還。以功不付吏，未幾

病卒。以侯禮葬之。定致仕官居鄉禮。帝嘗御門，語吳沉治

天下無他要，進賢納諫二事而已。十一月，濟寧侯顧時卒。

十二月，詔徵天下博學老成之士，聘故元吏部侍郎伯顏

子中不赴。歛鳩卒。右丞相汪廣洋貶海南，賜死。訪求卜筮

人

洪武十三年庚申春正月左丞相胡惟庸奸敗伏誅先是帝將詣惟庸室觀醴泉門者雲竒以頭撞輦語塞不達插之至死御史中丞徐節遂告惟庸與御史大夫陳寧謀逆寧與惟庸並坐而節卒以惟庸故相善亦并坐詞連韓國公李善長吉安侯陸仲亨帝赦不問於是革中書省罷丞相不設著為訓陞六部尚書正二品各司所事分大都督府為左右中前後五軍都督府百戶翁顯討廣東山寇死之稽倉庫罪空印者鄭士利上書諫帝怒不解坐士利輸作二月下詔求賢錄曉明術數者遣祀歷代忠臣五廟於

祭功臣之曰

蔣子文下壺劉仁瞻曹彬福壽

以嘉興知府薛祥為工部尚

書再減蘓松嘉湖重稅

帝患吳民貧士誠抗不下因取諸

故元國公火脫赤知院愛足屯衆和林為邊惠命西平侯

沐英總陝西兵討之火脫赤就縛獲其全部歸三月燕王

之國以葛誠為燕府長史鄧愈子鎮襲封中國公察兩湖

鹽課丁產虛實

夏四月都督濮英襲鹵西涼破之獲其平章幽王等數千

人五月甲午雷震謹身殿詔以黨誅過當告天下罪十惡

以下皆赦免并釋在京及臨濠屯田輸作者免天下今年

田租官員罪黜情非實犯者補職尋遣郎禮徵逋租於江

西禮以失信天下不奉詔固遣固不往。上誅之。妻亦自盡。殉禮上感命作大棺并殮之。賜祭。署吏部劉菘致仕。以阮峻為吏部尚書。罷御史及各道按察司。尋復之。頒臣戒錄於天下。六月丙寅雷震奉天門。是月避正殿。罷齊潭二府工作。置諫院。左右司諫各一人。正言各二人。諭戶部。凡軍民常用物勿稅。置行人司。判祿司。

秋七月。罷秘書監。凡內府書悉令翰林典籍掌之。并罷寶鈔提舉司。驍騎指揮郭德成以妃戚得入宮。帝以黃金二投其袖。德成出宮。佯醉露之。門者以聞。帝曰。朕賜也。德成語人曰。九闈嚴密。安得懷金而出。寧自發之。九月乙巳。聖

壽節始御前殿受賀置四輔官分四時燕太子賓客位增
公侯既而春官王本犯極刑以御史安然代之然以憂卒
餘皆坐罪黜此職遂廢

冬十月罷諸王相府陸長史正五品左右各一人十一月
南寇永平指揮劉廣戰死千戶王輅擊敗之重建天禧寺
洪武十四年辛酉春正月帝與吏部論人品邪正曰正人
治官事則不私其家守公法則不私其親邪者反是南寇
邊魏國公達率諸將軍討之南遠遁傅友德襲灰山克之
大斬獲沐英等畧至公主山殲其衆獲全寧四部以歸命
天下編賦役黃冊二月以鄭湜為福建叅政時胡黨多株

及亦連浦江鄭氏。滙兄弟爭就獄。帝難之。故有是命。增布政司左右為二人。三月大赦天下。起致仕刑部尚書李敬為祭酒。致仕禮部侍郎劉崧為司業。頒五經四書於北方學較。

夏四月。令國子生。兼讀劉向說苑及律令。五月。五谿蠻復作亂。江夏侯周德興討平之。六月。築湖西海塘成。

秋七月。各省社稷山川等祀。武臣不與。八月。南雄侯趙庸平蠻寇。奏捷。九月。征雲南。以傅友德為征南將軍。藍玉沐英左右副之。勅播州宣慰楊鑑以苗兵出助。

冬十月。法司擬罪。從翰林春坊給事中會議。命御史分按

各道罪囚免租應天五府十一月潮州賊平誅其魁釋脅從千餘人海賊曹真作亂延安侯唐勝宗南雄侯趙庸合兵討平之覆天下廢寺田入官復置大理寺及審刑司禁有司不得薦舉學官亦不得以公務私遣給事中鄭伯同奏非東宮官不得稱臣東宮編修吳沉爭之稱臣如故江陰侯吳良卒帝震悼輟朝親為文祭之追封江國公肖像功臣廟十二月唐勝宗討衡處溫三府山寇平之帝諭吏兵二部令武臣子弟之嚮學者亦宜並擇用之母以武見格南征師都督胡海等趨烏撒大軍蹂辰沅趨貴州攻下普安抵曲靖元平章達里麻以精兵十萬逆拒沐英縱擊大敗

之獲達里麻分兵應烏撒之師元梁王巴匝刺瓦爾懼棄
城走死是役也盡出帝曆算僅百日雲南下隨得七里關
通畢節併克大理烏撒復叛搗平之於是東川烏蒙芒部
諸蠻皆望風附雲南平

洪武十五年壬戌春正月始用樂九奏侑食命天下朝覲
官各舉所知一人置貴州雲南都指揮司二月改國子學
為國子監置雲南布政使司閏二月改雲南土酋剌帶誥
勅使署本州知州等官三月籍廣東蠶戶萬人為水軍頒
天下軍法定律
夏四月詔天下通祀孔子巡檢王德亨請開階州界外水

銀坑不許置在京僧錄道錄二司罷二院外曰僧綱道紀
改儀鸞司為錦衣衛以儒士吳顥為祭酒免租直隸浙江
遼東高希鳳家五節旌其門五月帝幸國子監謁先師御
奠倫堂聽講隨取尚書大禹謨洪範親為講說賜諸臣舉
經明行脩之士廣平府吏王允道請開磁州鐵冶杖之流
海外議屯田遼東先是丁夫海運家人與永訣多有溺死
者上聞之通夕不寐因有是命六月徵生員入國學者千
餘人簡分六科叙用勒臥碑奠倫堂之左

秋七月開濟為試刑部尚書是時坐胡黨濫詔以後告發
不問帝嘗親錄囚畢令御史素凱送東宮覆案遞戒之帝

問凱凱頊首曰陛下法之正東宮心之慈帝悅營陽侯楊
璟卒追封為國公宣德侯金朝興南征卒追封汴國公
春侯康鐸亦南征卒以秀才曾泰為戶部尚書八月皇后
馬氏崩葬鍾山孝陵謚曰孝慈遣御史余公大決囚泰州
勅曰往法天時務從至公毋獲罪於神人先是有戒死成
邊者大寤衣食帝悉令還家措辦限期年就成時五十三
人先至帝以其畏法放歸容城知縣許好問疏慎刑昭德
緩差容直四事上嘉納之九月所舉士鄭翰等三千七百
餘人賜鈔或授布政使等官雲南諸夷復叛沐英等平之
詔選高僧分賜諸王僧道行往燕府鑄監祭御史印文曰

繩愆糾繆於府州縣設按察分司僉事儒士王存中等五百三十人。人治二縣。週歲遷設殿閣大學士。以所徵耆儒鮑洵全思誠等直文華殿輔導皇太子及皇長孫。洵等固辭。賜勅放還。時禮部尚書劉仲質為華蓋殿大學士。翰林院學士宋訥為文淵閣大學士。簡討吳伯宗為武英殿大學士。典籍吳沉為東閣大學士。帝嘉沉德業文章之美。命畫工繪其像。賜心。

冬十月。更制都察院。設監察御史八人。以秀才李原明林駟詹徽等為之。申明越訴之禁。子訴父枉者。弗論。汝南侯梅思祖卒於雲南。十二月。大學士吳沉薦方孝儒學行。帝

曰。此莊士。須老其才用之。遣還鄉。嗣為仇家所連。械送關下。帝識其名。得釋。監督孝陵都督李新。封崇山侯。例教官九年滿。陞為教諭。

洪武十六年癸亥春正月己巳朔。御殿朝賀。不舉樂。祭酒吳顯坐寬縱。免。以宋訥代之。時學徒日衆。教尼不行。帝意以威望持之。令曹國公文忠領國子監事。帝觀唐太宗帝範。語侍臣曰。此書曲盡物情。足以訓後。二月。國子生翟德盜同舍生衣物。露其妻張氏。未歸。耻之。自經。詔旌之。許天下學校歲貢生員一人。故元軍士占籍。被告者不理。沐英鎮雲南。緬國及八百媳婦皆內附。帝諭刑部尚書開濟都

御史唐徽曰論獄須原情昨有父賄脫其子死事覺并坐父非情也宜死子而赦其父三月定詐偽律條罷天下府

州縣按察分司永罷鳳陽臨濠二縣稅糧徭役

夏四月令都司上衛所城池水陸地里圖五月定嫡妾封

贈及文官封蔭例免租應天五郡

秋七月山西左布政何真致仕歸里集故較二萬餘人送

京師八月戒武臣毋受囑托撓有司九月聖壽節復常儀

不舉樂申國公鄧鎮為征南副將軍討江西龍泉山賊平

心

冬十月安陸侯吳復卒於貴州追封黔國公肇昌侯郭興

卒追封陝國公。並肖像功臣廟。復妾楊氏。年十七。自經。從復。詔封貞烈淑人。十一月。禮部奏定歷代名臣祀典。禁武官不得私從軍士。十二月。賜在京官民元旦元宵節錢刑部尚書開濟有罪伏誅。

洪武十七年甲子春正月。建三法司於太平門鍾山之陰。匾曰貫城。勅法官星貫索空。訟平。中有星而明。貴人失入欽哉。於是決囚。屬刑部都察院議。大理寺覆審。須文達那八貢僧智光等使西天尼八刺國。以唐徽為左都御史。起余愼為吏部尚書。二月。定吏員出身陞轉資格。三月。仍頒行科舉成式。三年。一。大比。自是累朝為定制。仍令有司會。

同耆宿。訪求德行聲名。曹國公李文忠卒。帝震悼。輟朝。親
為文。遣官致祭。追贈岐陽王。謚武靖。配享太廟。肖像功臣
廟位皆第三。

夏四月。諭征南功。進封傅友德。穎國公。及郭英等四侯。及

胡海陳通賜鉄券。世襲。其已侯仇成。張龍。王弼。及先卒吳

復。金朝興。亦加祿。世襲。五月。大赦天下。諭遼東守臣。絕高

麗。高麗謝罪。請以馬代貢金。詔可。許指揮何誠。追贈。奉生

父母。六月。諭天下朝覲官。各上人民土地圖。集大成樂器

頌。天下儒學。

秋七月。盱眙人獻天書。伏誅。皮作局大使徐士哲。上十四

事上襲之建朝天宮內設道錄司習朝儀許朝臣迎養父
 母者官給舟車戶部均糧役秋暑刑部慮囚江寧處士陳
 遇卒遇侍帝三十年多所匡弼終不受官八月平緬宣尉
 思倫發入貢諸州民戶不及三千者改為縣以儒士陳玄
 為會都御史儒士汪仲魯為司直郎九月詔擢考滿課罷
 官戴莊高翼元善俱為會都御史馮獻為左贊善莊府通判翼都
司副斷事善州判官獻教授
 冬十月冊李氏為淑妃攝宮中事進稱賢妃成都府吏訐
 知府張仁不職不聽以秀才宋矩等十七人為監祭御史
 閏十月禁方面官侵郡縣之職考曆從博士元統洪武甲

子為曆元十一月。死。曩姑兩嬖子女婚姻禁。文官年七十許致仕。給誥勅。十二月。沐英勦廣西。獲摩餘寇。通四川糧道。

洪武十八年乙丑春正月。擢太原府同知溫祥卿為兵部

尚書。考察朝覲官。

分稱職平常不稱職貪污闖茸五等

陸劉三吾為翰林學

士。朱善為文淵閣大學士。福建按察使陶望仲劾布政使

薛大方貪暴。反為所誣。事白。還官。

民謹云陶使再來天有眼薛公不去地無皮

二月。兩電求直言。錄軍國重事。太傅右丞相魏國公徐達卒。帝慟悼。罷朝。親為文祭。追贈中山王。謚武寧。賜葬鍾山之陰。神道碑稱王言簡慮精。令出不二。成功不矜。忠志

無疵。昭乎日月。甫享太廟。肖像功臣。廟位皆第一。會試天下。貢士黃子澄第一。練子寧次之。既殿試。以丁顯第一。子寧子澄次之。賜及第。出身有差。以後如例。諸進士授官外。其觀政在翰林。承勅監近侍衙門者。稱庶吉士。餘但觀政。諸司。三月。大學士宋訥論。備邊莫要於屯田。上是之。以太常博士薛文舉言。凡稱職者。定久任。戶部侍郎郭桓等盜官糧七百萬石。諸連及皆伏誅。湯和乞骸骨。許之。旋令沿海築城防倭。科民四之一。戍守。召見方孝儒。宴禮部。免租。

應天七
府州

夏四月。羣臣表賀慶雲。不許。吏部尚書余燠以私落宋訥

祭酒籍伏誅錄有司績著於旌善亮犯法者揭申明亭五

月城海蓋復三州右軍都督張赫督海運餉遼東七十五萬石

尋封航海侯并封朱壽軸驢侯咸世襲六月僉各處民丁

充力士者一萬四千餘人增錦衣衛六千戶領之定朝覲

以三年為期丹徒知縣吳孟通縣丞郭伯高金壇縣丞李

思道以事當就逮百姓詣闕號釋之仍芳以酒

秋七月免租山東北平及陝西數賑水灾河南諭定傷州縣

有司不以實聞置極刑舊宿得詣闕陳訴帝與大學士朱

善論任賢曰始貴簡擇嚴使鄙之人不進繼貴任使專

使苟且之意不生封高麗國王禍為王八月進士就選不

等

御史給事中推官試主事縣丞

令馮勝傳友德藍玉北平備邊復設糧

長九月古州洞蠻作亂楚王楨率湯和討之俘四萬餘人

以星變勅諭秦晉周三王大學士朱善卒

冬十月命蜀王椿閱武於中都王有賢德通經義旁及餘

典帝為開西堂延儒臣蘓伯衡等及名僧來復論道談文

無虛日御製大誥成頒示天下有不遵者遷化外家藏此

誥獲罪減等赦孟氏子孫輸作十一月水灾免租山東二百五十

萬河南及常贖貧民所鬻男女歸之十二月定鈔二貫五

百文代米一石充祿賜平緬思倫發較千戶王昇死沐英

以兵大破之

洪武十九年丙寅春正月賑水灾

北平府縣

移永寧茶馬司於

雅州二月賑河南諸府饑

夏四月李景隆襲封曹國公置建昌等五井鹽課提舉司
寧波知府李仲文有吏行縣不法慈谿縣丞秦仲彰執之
以聞帝令互易其官示褒貶五月帝諭吏部人不可易得
業進士魏安仁等六人常以過謫浙江按察司書吏全歷
年所恐為小人所侮終身喪志雖欲改過無由其召用之
詔四民各守其業止不歸者問遣新塗妖僧玉琳等謀亂
偽建元天定捕誅之麗水縣賣卜者干富室不應赴關告
陳公望等五十七人謀逆事不實反坐六月諭禮部尚書

李原名尚齒所以教敬事長所以教順朕恐有司奉行養
老不慤其以朕命申之令縣官禮送七十以上經明行修
之士平越苗叛穎國公傅友德討平之賑旱災開青州
秋八月帝覽宋史見太宗改庫名內藏蹙然曰人主以天
下為家安得有內外之別選應天府富民子弟補吏六安
侯王志卒追贈許國公九月復置寶鈔提舉司定雲南屯

田

冬十月改車里軍民府為宣慰司十二月沿海置衛所一
十六左都御史詹徽請用重刑帝切責之置都勻安撫司
雲南巨津州阿奴聰叛吉安侯陸仲亨捕誅之

洪武二十年丁卯春正月命宋國公馮勝為征鹵大將軍率藍玉等諸將軍師二十萬征元納哈出遣所獲蕃將乃刺吾諭降玉乘大雪襲破之獲元金國公觀童納哈出降所部營王失刺八禿等亦降勝以納哈出歸都督濮英殿後中伏被害勝與常茂互訐詔收勝大將軍印就第鳳陽奉朝請安置茂於廣西之龍川封納哈出海西侯食祿不任事及卒子察罕襲封改藩陽侯改松潘衛為軍民指揮司其安撫司為龍州楚錦和衛刑具以繫囚付刑部革潭魯兩府審理所官老較丁成請開陝西銀礦不聽浙江蕪州等處監生武淳等核丈田畝上魚鱗冊受之帝御講

筵語侍臣曰。為惡或免。理無可為之惡。為善不報。理無不可為之善。二月。御製洪範成。三月。諭法官。進士。國子生。素所培養。犯法議宥。

夏四月。左都御史唐徽奏。軍人令所犯罪止杖。引前兩宥。當并論。帝曰。前罪既有。不宜不信於民。五月。以星變。勅宋國勝。嚴鹵。六月。惠州博羅山寇。宜春妖賊。並作亂。討平之。廢昌國徙其民。設寧波衛。閏六月。徵孝廉之士。

秋七月。禮部請立武成王廟。帝曰。古文武。兼脩。太公鷹揚。授冊書。不宜專以武尊之。且已從祀帝王廟。所請不許。真臘國貢象及香。賜金印。八月。故元尚書塔不五降。置大寧。

衛指揮使司銷六科關防印記詔景川侯曹震選卒二萬
五千即雲南屯種備征封何真為東莞伯賜券世襲九月
永成侯薛顯卒於軍追封永國公刺馬兒罕回回滿刺朝
貢以永昌侯藍玉為征鹵大將軍發兵北伐

冬十月帝與諸將論兵曰國家用兵如醫之用藥寧蓄藥
以治疾毋疾至而求藥十一月以河南府學訓導葛鈞為
翰林學士徵河南儒士岳宗源等九人授布政使等官十
二月帝親製大誥十二篇訓戒武臣置遼東三萬衛指揮
使司賑飢濟南等五府

洪武二十一年戊辰春正月故元將信童來歸英德縣民

周廣全等作亂，韃靼官軍反於廣西，皆討平之。二月，故元四大王來降，令隨戎雲南韃靼官軍入內地。隸水衛編戶三月，平緬復叛，衆號三十萬，戰象百餘，寇定遠，西平侯沐英將精銳二萬大破之。自是平緬歲入貢不敢。二是科殿試後，建題名碑於太學，後為例。遣進士行監祭御史事，分巡郡邑。海陽民曾承蔭等作亂，討平之。徙三萬衛於開原。

賑饑

山東廣東

夏四月，命永昌侯藍玉襲鹵主脫古思帖木兒於捕魚兒海，大捷。降元丞相哈刺章於和林，多所擄獲。鹵庭一空。高麗請舊壤鐵嶺之地，諭止之。勅江西御史花綸等不得舉

細事興大獄。五月，都督張銓從征東川蠻有功，封永寧侯。萍鄉縣妖民稱弥勒佛惑衆，捕誅之。六月，仍傅友德征南將軍沐英副之，助討東川葉昇，進搗俘五千餘人，徵隱士謝天啓為山西叅議。

秋七月，追封金山侯濮英為樂浪公，尋封其子璵為西涼侯。時藍玉私元妃事發，上怒，妃聞自縊死。降者地保奴有怨言，安置琉球。故元降將悅因帖木兒謀叛，戮之。八月，令九卿各舉文學幹濟之士，封都督孫恪為全寧侯，安慶侯仇成卒，追封皖國公。九月，秦晉等各王來朝，越州土酋阿資叛，穎國公傅友德與西涼侯沐英等擊敗之，斬其黨大

頭等五十餘人。阿資降。更置陸梁衛。改建歷代帝王廟於
鷄鳴山。

冬十月、進封藍玉為涼國公。鑄其過於券。庶吉士解縉進
庖西封事。擢監祭御史。帝召其父諭之。大器晚成。而以而
子歸。益懋所學。俟十年來朝。大用。勿晚。給事中卓敬。乘間
言於帝。陛下於諸王。不蚤辨。等威服飾。與皇太子擬。嫡庶
相亂。尊卑無序。何以令天下。帝笑曰。卿言是吾慮。未及此。
故元國公老撒等以三千人降。高麗國王顓請遜位於子
昌。帝以其臣李成桂之詐。不報。徐達子允恭襲封魏國公。
常遇春子昇襲封開國公。雲南置瀘州。赤水層臺四州。瀘

州四衛指揮使司十一月女直千戶孛羅哥從征至沅江
叛走思州已而就平十二月安南黎季犛弑其主煒立叔
明子日焜主國事

洪武二十二年己巳春正月改太宗正院為宗人府以秦
王為宗人令晉王為宗正周王楚王為左右宗人高麗權
國事王昌請朝不許二月禁武臣不得預民事及軍衛擾
民三月改普安軍民為指揮使南安侯俞通源卒

夏四月徙江南貧民佃淮泗官給鈔免賦役三年青州衛
軍妻請代夫死釋其夫以捏却來為大寧衛指揮使失烈
門以下俱授武職已而失烈門襲劫捏却來被殺詔以兀

良哈之地。置朶顏、泰寧、福餘三衛。遣諭故元遼王阿剌失里等。各為指揮使。分居三衛。故元諸王來歸者。命盧居選羅暉貧。山東湖廣五月。軍士父子皆死於役者。官其子一級。僉都御史黃政從征雲南還。至普安遇寇。與其子琬皆死之。六月。孝廉茂才年四十以下者。令就行人司差遣試用。穎國公傅友德平貴州狼寇。置興隆衛。周王橐離國至鳳陽。令其子有燉監國。遷橐雲南尋復國。秋七月。給文武官朝服錦綬。鹵也。連迭兒弒其主脫古思帖木兒。而立坤帖木兒。八月。更定大明律。令天下府縣各舉高年有德識達時務言貌相稱者一人。九月。沁州民首

自請屯田者賞之。餘姚民有妻訴其家長，私海販坐，妻乘
倫元海州同知陳夔保故元福壽子有罪，以父忠節蒙宥，擢
太僕少卿。通政使程居揚大用，奉使諭降百彝。十二月甲
申，帽之禁。徵士梁寅卒。魯王檀薨，特命蓋荒。富州有逃吏
糾賊為亂，殺知縣徐京善等，討斬之。高麗李成桂廢其王
立昌國縣君王瑒。

然武二十三年庚午春正月，榜補胡惟庸逆黨，仍列勳臣
五十七人。功高望重，連載罷兵者，徐達等五公，耿炳文等三侯，專
著善而指示者，李善長一公，以善氣封者，鄭遇春等三

侯。隨征者，周德興等十九侯，建地傳文德，蓋玉葉昇，有進士王希賢
等一十五侯，可現望而不現望，來席者韓政等七侯。請終改嫁母喪三年，以隨母撫養故。帝曰：母改適，父仇也。

克非所以教節。蓋非所以教孝。特諭礼不行。著為令。

以降彝韃。鞫安童為刑部尚書。詔晉燕二王率征鹵大將
軍傅友德。征乃兒不花。咬住等。進。止。唯燕王元章把都帖
木兒來降。聽擇水草便地居住。雲都知縣查允中奏指揮
蔣旺。擅發民丁擾農。召還旺。允中旋與東川侯胡海討定
山寇。錄功。倭寇潮江。百戶單正坐視伏誅。詔一戶二軍者
免其一。許潮州補戍生員陳貞太學卒業。定馬政。核丁鹽。
二月。國子監祭酒宋訥卒。六科失解旨意。擅增減覆軍籍。
不明。坐下獄十七人。尋宥免。西番作亂。涼國公藍玉出大
渡河討平之。隨俘定散毛洞。沅陵縣主簿張傑有罪。以其

毋賀氏守節者之誅龍川賊蘓文山河南妖賊朱黃頭等
以龍川知縣陳敬為吏部侍郎三月詔臨洮僧巴竹領占
為尚師燕王率師乘大雪至迤都壓鹵營降故元太尉乃
兒不花丞相咬住忽哥赤知院阿魯帖木兒等皆官之咬
住為副都御史忽哥赤為工部侍郎時王師不見鹵而還
夏四月潭王梓與其妃自焚死事在本傳停期年奔喪之
制討廣東黃田山賊袁萬山等平之五月賜韓國公李善
長死先是善長坐他累削祿尋涉胡黨不問會有星變其
占為大臣災遂以法官議并及其子伸弟存義父子陳諸
不臣情詞播告天下凡二十人

韓國及列侯胡美唐勝宗
陸仲亨費聚已故侯顏時

陳德華雲龍、王志揚璟、朱亮祖、梅思祖、陸聚金、命各州縣
 朝興黃彬、都督毛讓、薛顯、陳方亮、耿忠、于琬、置倉備賑、所召老人賚鈔、所在催課、詔求張三丰、六月、給
 事中朱懋私毀奏劄、罪當死、以才見宥、南海主簿周德任
 罪當徒、妻高氏願沒官贖罪、宥德任、令於都察院書寫自
 新、定公侯鐵冊軍、每給軍一百二十人、以百戶領功臣卒、
 罷屯戍入衛、左都詹徽兼吏部尚書、

秋七月、高麗送故元伯伯太子男六十奴來京、鑄晉世子妃
 印、八月、改造監察御史印、詔選舉、毋錄隸卒、考定使節之
 制、如漢節長三尺、賑水灾、河南山東置北平行都司儒學、
 九月、加封中山岐陽追封三代皆王爵、

冬十月、討雲都賊夏三等平之。以劉廌、龔封、誠意伯、與世
券、基、次子仲璉為閣門使。帝讀孟子七篇、以草芥寇讐等
不可訓、詔廢孟祀。諫者死刑。部尚書錢唐力爭之。袒腹受
射。帝為感動。使太醫療唐。創孟氏配享如故。十一月、選天
下著民才智可用者、得一千九百十六人。以百六十七人
授府州縣官。茹常試兵部尚書。十二月、定輸粟北邊贖罪
例。有差始開局。後湖織緞足。捕斬蒙化叛賊高天惠等。置
衛守之。擢彞陵州學正張智為禮部試左侍郎。鞏昌教授
李本立為翰林院編脩。相人袁珙入燕。

洪武二十四年辛未春正月免租

山東青
兗五府

曲阜縣知縣孔

希文有罪。宥之。二月，西域請馬市，不許。擢州學正吳季安為試茶酒，改封豫王。桂為代王，漢王模為肅王，衛王植為遼王，命種桐、棕、漆樹於朝陽門外，各五十萬餘株。脩他日運船之用。江南開曠，各種苜蓿。三月，故元遼王阿札失里寇邊，穎國公傅友德等討之。兵次哈者舍利王邊，令班師來鹵，反擊之，大敗之於黑嶺雅山。帝常發古鏡十餘，以照失真。工曰：初，範不正也。帝語廷臣：人君主宰天下，心有不正，百度乖矣。戒之。

夏四月，興山海一帶屯田。聽流民所在占籍，冊封諸王。

岷谷韓藩 寧
安唐郢伊 五月，停造寶鈔，以日本人國子生騰右壽為觀

察使捕誅分宜縣妖民許文武官封贈所生母以其秩詔
勸學亦不責或有司賑北平水災六月頒書籍於北方學
較賜通鑑史記元史于諸王定冠服居室器用制度帝曰
學較為國儲本而中服無異吏胥未便三易制始定而加
以來髮之網

秋七月征鹵將軍傅友德師至黑嶺寒山追鹵札都大擄
獲詔清理釋道二教庵觀舊額悉毀之徙天下富民寔京
師許罰役吏守喪以彭友信為北平布政司友信初以貢
至京師帝微行遇之偶占虹霓之詩二語友信足之稱旨
約明日晤竹橋及賜官始知是帝帝句誰把青紅線兩條
和雲和雨繫天腰友信

句玉皇昨夜驚興出

萬里長空跨玉橋

東川侯胡海平八月皇太子巡撫陝

西黃巖海盜張阿馬引倭彝入寇擊斬之都督僉事劉真

宗晟破平哈密多俘獲雲南叛酋兩龍等亦平以久陰不

雨馳諭皇太子陝西太子方奉命相度形勢遷都九月命

主事寬徹等使西域誅寧波府妖僧之奉白蓮教者免建

寧碾造龍涎茶例摘芽茶以貢倭寇雷州百戶李玉戰死

錄其子為十戶陞新化知縣周丹為吏部主事以縣民詣

闕請復任賜宴許之

冬十月南豐縣典史言九事帝曰諸有裨政體但調步邊

將一事不便擢右僉都御史十一月命禮部諭天下生員

將一事不便擢右僉都御史十一月命禮部諭天下生員

燕讀誥律賞民間能誦大誥來朝者十九萬三千四百餘人。賑河南水災。皇太子至自陝西。具地圖以獻。十二月。高麗權國事王瑤遣其子定成君奭入賀正。王景川、侯曹震治四川水陸道。鑿石削崖。水通永寧。駕橋立棧。陸通松藩。亦通保寧。以達陝西。

洪武二十五年壬申春正月。置故元梁王孫愛顏帖木兒於高麗。轉送耽羅國。衛卒吳英自請沒官贖父罪。宥之。請江王守謙。屢得罪。訓戒不悛。禁錮卒。二月。潁國公傅友德請懷遠等縣官地為圃。上以公儀休事諭止之。詔謚典止於諸王。及勲爵。不及文臣。高麗李成桂幽其王瑤。而自王。

申令學校習射。通書數。三月。西泐連使陳夔坐胡党。以父福壽故。免死。謫居雲南。命平西戾善視之。叙州山寇作亂。討平之。

夏四月丙子。皇太子薨。謚曰懿文。涼國公藍玉征西番。玉遣都督聶祿瞿能等討故元將月魯帖木兒。破誅之。五月。進封俞通淵。越萇。六月。西平侯沐英卒。帝哭之慟。輟朝。親為文。遣祭。追封黔寧王。謚昭靖。配享太廟。肖像功臣廟。秋七月。普定侯陳桓徃陝西。修連雲棧。入四川。陞寧政都督。食事鎮雲南。己而沐英子襲爵。召正還。以教職不知時務。竄學正吳從權。教諭張恒於極邊。琉球中山王祭度遣

子弟就學國子監。帝喜，賜閩人三十六姓之善行舟者，以通朝貢。八月，靖寧侯葉昇坐胡黨，江夏侯周德興坐惟簿不修，咸伏誅。擇俘酋邠罕阿魯溫沙二人，賫榜還論沙漠。命宋國公馮勝、潁國公傅友德立邊衛，抽民丁四之一屯田戍守。武臣之謫戍大寧雲貴者，皆復官。頌醒貪錄於內外諸司。九月，戶部侍郎陳宗禮、大理寺丞曹瑾罪當杖降官，命免杖。工部辦事，帝問太常少卿許昇祀事，昇不能對。典簿劉貞代對，詳明降昇，而以質補其官。冊嫡長孫允炆為皇太孫。是為惠宗。讓皇帝以黃子澄兼太保，並東宮講讀。工部尚書秦達有罪自殺。除方孝儒、漢中教授、蜀王聞

其賢命世子就學都督周興討故元逆臣也連迭兒追敗

之徹徹兒山

是昂裁脫古思者

冬十月高麗請改國號上令從古名朝鮮度地正陽門外

為上林苑尋以妨民不果山東監生周敬心疏國祚脩短

在德厚薄非關曆教傳國璽非所尚也語賴激帝優容之

十一月置貴州宣慰司儒學十二月諸勲爵兼東宮保傅

官知事周昌請宥小過帝嘉納籍廣東海島人為兵閩十

二月百福寺隱匿囚徒為僧詔僧錄司造周知冊頒天下

琉球入貢遣子及國相子入國學帝患熱病甚有赤脚僧

詣闕云天眼尊者及周顛所遣獻藥温涼片飲之愈遣祭

詣闕云天眼尊者及周顛所遣獻藥温涼片飲之愈遣祭

顏子廬山

洪武二十六年癸酉春正月起致仕尚書唐鐸為太子賓客置廣寧七衛擒會同縣山寇王漢等誅之二月置宣大

東西十七衛頒西番金銅信符遠東開元衛軍士馬名貴

上言五事命禮部擇其可者行之授名貴太和縣丞詔晉

王統山西兵出塞捕鹵代王以護衛從聽節制誅涼國公

藍玉玉以常開平妻弟累功至大將軍多不律錦衣衛蔣

獻告逆捕訊責黨不承吏部尚書唐徽叱玉吐實王大呼

徽即吾黨遂并收徽多所株連張翼陳桓朱壽陸仲亨趙庸葉昇察罕張温翰林

典籍陳名曰藍黨戮教萬人

夏四月、以星變求直言、復定救日禮儀、以宗訥子滑縣訓導復祖為司業、安南擅廢立、絕其朝貢、浦江鄭氏既被旌、同里王氏効之、詔令兩家自推舉、年三十以上者、鄭濟為左春坊左庶子、王勳為右春坊右庶子、徙慶王榘於常州、五月、陝西民弟代兄戍、官給道里費、逃民偽請道牒、發錦衣習匠、六月、申明錦衣之禁、刑者俱屬法司、以趙州吏目諸葛伯衡為陝西叅議、陸戶工侍郎郁新嚴震直為本部尚書、開卜筮禁、嚴公侯僭侈、秋七月、選秀才張宗璿等隨東宮、官入直文華殿講、筮畢、說民間疾苦、討定普定亂民及妖賊王天錫、詔免試職儒

學訓導皆與冠帶赦胡藍餘黨九月復以劉三吾為翰林
學士道州蠻作亂討平之

冬十月出封岷王於雲南詔恐勞民從棕室居住勅諸王
府止其宗人文武任用如常選法罪至奪爵止革中都
國子監并入國學選監生劉正等六十餘人為左布政使
等官十一月討誅東莞叛寇何真之弟迪十二月降尚書
嚴震直為御史禁軍民命名不得用三公以下官稱以直
言擢泰州訓導門克新知紹興府教諭王俊華為左右贊
善

洪武二十七年甲戌春正月選江以北良家女備諸皇孫

婚立禁榜示天下僧道

不許游食及交構有司以書冊強人所至僧寺必揭周知冊對驗不合者

閏遣其民間兒童私自削髮父兄併坐二月罷在外文武

諸司公宴三月城東勝州申禁元故俗嫁娶收藏軍器

夏四月禮部員外郎俞體原坐法死論母節宜免旌帝曰

毋不以子故格例嚴越訴之禁民間高年老人得聞鄉之

曲直命儒臣訂正宋儒蔡氏書傳詔諭劉三吾奎璧星明

文運當興爾等宜有述作以稱朕意五月免孝子郝安童

軍役以少詹事任亨泰為禮部尚書定武臣子弟比試襲

職

秋七月旌孝子李德成擢陞尚寶司丞八月遣監生人才

督天下吏民脩農田水利賜文武百官鈔宴於醉僊樓階
文千戶張者叛左都督竒正討平之鈔瀆沮壞禁用銅錢
九月日照縣民江伯割脇療母病至殺三歲兒以禱上惡
其減倫杖戍因定旌表孝門例生員廩十年學不成者罰
為吏祖訓成上諭禮部後世敢有言更改祖法者即以奸
臣論母赦

冬十一月許土官免比試襲職潁國公傅友德暴卒十二
月定遠侯王弼暴卒賈哈裂寇藍井指揮僉事陳進死之
令民間團社互相耕種永平侯謝成坐瀆獄死
洪武二十八年乙亥春正月勅燕王統三都司兵合禦野

人女直二月宋國公馮勝暴卒徙青兗登萊濟南五府民
就東昌開懇閒田三月秦王煥征土番還病薨謚曰愍編
籍定里以教民厚

夏四月停作遼王宮室勅武定侯郭英人勞勞亂况于其
邊高麗也連十年為之五月四川雲南邊藝皆立學校總
兵周興等師出開原分三道追西陽哈於黑松林不及獲
男女馬足而還勅諭法官皇親有犯除謀逆外免逮

秋七月確山野蚕成繭群臣請賀帝不許曰野蚕果能衣
被天下吾當受賀諭國子監咸讀習春秋方士獻道書却
之八月信國公湯和卒帝嗟悼輟朝親為文遣官致祭追

贈東甌王謚襄武配享太廟肖像功臣廟征南將軍楊文
等已破定趙宗壽移兵討廣西叛蠻黃碧等捷之九月征
南前將軍胡冕追捕桂陽山賊悉擒斬之左都御史雷銘
及崇山侯李新咸有罪伏誅免租山東及應天五府烏撒
烏川芒部東川歲賦
重定女官六尚及東宮六局王府等官職燕王進呈永清
左衛嘉禾一莖三穗者二本二穗者六本帝親製嘉禾詩
賜之閏九月降吏部尚書翟善為宣化知縣重訂皇明祖
訓成其首章有曰朕初法外加刑此權時措置非守成之
君所用常法其有奏用黥刺剝割之刑者全家死又
曰邊以外得其不足以供給得其人不足以使令但選將

練兵以時。謹備不。宜貪功。啓。募冊燕王長子高熾為世子。
是為仁宗昭皇帝。

冬十月。將軍楊文傑新奉議賊首黃世鐵等一萬八千餘人。
設衛守之。討上官儂貞佑。就縛。十一月。命儒臣進講尚書。
無逸篇曰。朕常書此篇殿壁。朝夕省聞。今聞之。愈使心傷。
十二月。朝鮮入貢賀正旦。表文不遜。留其使。詰撰文者。國
王謝罪釋之。重建朝天宮。群臣習朝儀於其中。

洪武二十九年丙子春正月。詹事府丞杜澤替善門克新。
為吏禮二部尚書。給朝鮮國王李旦印誥。二月。禮部尚書
任亨泰使安南。私市其人為僕。降為御史。征鹵前將軍胡

冕勅彬桂廣西諸寇。詔勿殘。給恩軍月米。籍說元死者三月。燕
王奉勅出塞討鹵。擄李林帖木兒等於徹徹兒山。復追敗
哈刺兀於兀良哈瓦城。以行人司副楊砥言。罷楊雄從祀。
進董仲舒命行人陳誠立撒里畏兀兒為安定衛指揮使。
給印五十八。

夏四月。魏國公徐輝祖同禮部翰林官考國子監六堂師
弟子次第送吏部。六月。廣西獲叛蠻三千餘人。以都督府
斷事廖昇為太常寺少卿。

秋七月。衛卒聞被傷。其子救之。擊聞者死坐絞。詔釋之。方
孝儒典箴試。八月。免租。太平等五府九月。大賚致仕武臣。召諭

之曰朕思起兵時爾等皆少壯今老矣久不相見心恒思
之薄物養老好歸撫教子弟以終天年諸臣感謝至有泣
下者有弟請從軍贖兄死帝憫之並釋同繫三十餘人謫
成

冬十月皇曾孫文奎生上以十月教終又生于晦詔勿賀
十一月頒稽古定制書俾功臣導守

洪武三十年丁丑春正月沔賊入略陽殺知縣呂昌燒徽
州殺學正顏叔彬改禮儀司為鴻臚寺太常光祿改司為
寺頒為政要錄於在官者二月安南拒命廷臣請討不許
會試首宋琮殿試首陳郊中原西北士無預者諸落卷肆

飛語覆試上疑考官劉三吾自信蹈有私指為胡藍餘黨
逮拷訊連及司直張諫係藍黨獨侍講戴德彝無黨宥三
吾戍邊餘皆凌遲死上親閱得六十一人皆北產也賜進
士韓克忠等進士出身有差禁民間無以金銀交易通鈔
法定刑官不得加反逆三族法古州洞蠻叛討平之

夏四月或以募金遺刑科給事中張思恭却不受其人委
金去思恭自發之上喜擢刑部右侍郎即以金賜之令民
間有一才一藝者得自陳劾用五月以星變勅晉燕代遼
寧谷六王勒兵防邊駙馬都尉歐陽倫奉命西蕃以私茶
攔外為蘭縣河橋巡簡所發賜倫死布政使官同坐帝初

嚴於吏治。凡貪酷縣官，律外加有庸刑。至六十兩以上者，梟示。因置政平訟理二審論罪囚。

秋七月，置都知監，掌內府各監事。左都御史楊靖以罪賜死。太子少保唐鐸卒。帝諭諸臣曰：人即自好，不能無過舉。顧事有公私，其心無他，須平吾心觀之。八月，以右都御史嚴正直為工部尚書，義門鄭沂為禮部尚書。稅戶人才湯行等為吏部侍郎等官。吏部杜澤請取用登名富民，詔從。山東河南淮東始。九月，令耆老持木鐸徇於鄉，為六語率民於善。六語為孝順父母，尊敬長上，和睦鄉里，教訓子孫，各安生理，無作非為。歲州縣選德行里老之人，赴京師陳說疾苦。又里置一鼓，農時擊之，會

耦力田惰者罪

冬十月、停遼東海運、十一月、上見散騎舍人三、頗麗、問值

幾何、曰五百貫、帝曰、是小民八口一歲資也、戒之勿服

二月、帝不豫、廷臣數問安、勅各竭忠脩職、皇第五十、孫

貴始生、遼王

植子

洪武三十一年戊寅春正月、暫開鐵冶一年、二月、倭寇山

東、擊敗之、復犯濶東、再試寄監下第舉人、次第、授教官、不

中者八十餘人、為州吏目、三月、詔學官得除傍近縣官、音

王桐堯、謚曰恭、以齊泰為兵部尚書、

夏四月、罷回回欽天監、陞暴昭左都御史、擢衛經歷黃福

邊昇為工部左右侍郎五月帝不豫勅燕王集邊兵備南

置成都聖慶保寧三府及播州宣慰司茶倉四所帝疾稍

間輦御右順門時諸醫治疾無狀皆付獄獨召戴元禮至

榻前諭之曰汝仁義人也事無與勿恐閏五月大漸漸也百

帝崩於西宮帝素少疾及疾作臨朝決事不倦至是疾大

劇乃焚香祝天曰壽年久近國祚短長子孫賢否非慮一

心為蒼生作福時聞雨聲喜形於色遂崩遺詔曰朕膺天

命三十有一年憂危積心日勤不怠務有益於民柰何起

自寒微無古人之博知好善惡惡不及遠矣今得萬物自

然之理其何哀念之有皇太孫先收仁明孝友天下歸心

宜登大位。内外文武臣僚同心輔政。以福吾民。葬祭之儀。一如漢文帝勿異。諸王不在令中者。推此令從事。

論曰。帝以布衣不學。意侔造化。諸善政。史不勝書。

以子孫乃於則有祖訓一書。斟酌損益二十六。

而始定果世。遵守神明其意。萬子萬孫之識。直

別解。特法外加刑之。矯元政已甚。豈

復見壬午之。然則其所以應天者。較文。

蓋復有進焉。若夫身在馬上。輒尊孔子祠。而

罷遠征而禮亡國。謹宮闈之戒。杜戚里之謁。斥侈

遊幸。却貢獻。辭祥瑞。省躬率物。敬勤民。以致域外諸

